

玉樹土司調
查記

姚明輝題



玉樹調查記序

玉 樹 調 查 記

大中華民國八年八月八日。傳甲編印京師地理志成。隴西學者。會商分纂甘肅省志。得識王子天柱。并讀周子希武玉樹調查記。憶去年在西湖。編浙江志。遇青海屯墾使蒯壽樞。抵掌西北。縱論五年前建議改行省。及江源河源之形勢。方擬句當東甯事了。經營西北。今讀周子書。益知玉樹天產地質人情。如身歷其境。誠大中華青海地理志之藍本也。王子徵序。不敢率應。伏念先祖劍秋公。從戎仕蜀。兩宰鹽源。所屬土司。莫不畏之如神明。惟在絕賄賂耳。先君子麗生公。于役雅州以西。窮探險阻。不幸六歲失怙。不克繩武。繼志爲憾。先妣林下老人。將門之女。有文武才。嘗與河西女土司嶺李氏。馳馬於峻阪。發強弩。以殄熊鹿。番族驚歎。傳甲因母教成立。兒時卽守祖父所遺一統圖。視爲吾家第一宗財產。今與王子夜談。猶披康乾舊圖。覓玉樹四土司所在。先君子之手澤。猶丹黃雜於圖眉。傳甲兒時。因先妣以瑤池阿姆屬對。卽以玉樹土司應之。時八比俗儒。茫然不知所謂也。今世界進化。然中國人不知中國事者極多。本省本縣之人。且不注重本省本縣之地理。何能責之萬里以外之邊徼乎。傳甲講學湖南。卽崎嶇苗蠻。教以同化。列之膠庠。服

官廣西。佐治藩幕。卽建議收土州土縣。改設流官。昔設彈壓員者。今已正名縣知事矣。北度龍江。以提學勸業之力。墾蒙荒而設治。凡索倫、鄂倫春。亦立專校。蓋酋長政體。過於專制。封建世襲。無異君主。茲當共和進化之時。傳甲筆端。遂大有掃滅土縣蒙旗之勢。而不自知也。玉樹土司。決不能永久保存。中華開青海省。則必爲玉樹道。中壩、格吉。皆他日之縣也。我不經營之。人必經營之。英圖西藏。以青海爲勢力範圍。南北當軸。果有良心上之覺悟乎。請三復周子之書。共圖拓殖之計乎。閩侯林傳甲序於京師雙藤花館

玉樹調查記序

玉

樹

調

查

記

玉樹二十五族故屬甘肅有清時由青海辦事大臣主管民國初元川邊誤爲甌脫置吏兵焉番族以屬甘久又困川軍供給不樂屬川兩省有異議而入告中央之文名稱互歧政府未察而兩從之乃益糾結不可解三年春廣建持節至隴以甘人周觀察使務學樸質耐勞苦習兵事特請於中央令赴海南與川省官吏會勘界務得諾以周君希武明習邊事令偕行至玉樹經年通情宣德捐爭解紛慰勞疾苦推詢向背咨究故實番民遮道膜拜籲訴願仍隸甘廣建達其情於是玉樹仍爲甘省轄境甘與青通郵而合一周君希武並以其間著玉樹調查記二卷海南旅行記一卷於番族分合山川形勢敘次明確廣建嘗觀有清一代儒碩踵出其著書論析西北地理者甚衆然於青海則已略至海南玉樹二十五族私家記載更闕然無之蓋荒落僻遠學人足跡罕至至者又率不學不能抉摘稽比以供當代士夫之考證滋足憾也今周君以淹雅之才躬歷絕徼周諏周度備述聞見翔實精覈無單詞隻字嚮壁虛造其用心可不謂勤乎夫青海爲吾國神皋奧區亘古未關之陸海覘國者涎之而玉樹者乃其西南菁華所萃土腴而產富其可欲殆又甚

焉自西藏跋扈川邊雲擾而玉樹形勢已孤剝床及膚藩籬洞撤涓涓不塞將成江河廣建以奉命裁青海長官而全青直屬甘肅融合版圖無他機關歧出梗阻因請設甘邊寧海鎮守使積極規畫來增戍兵創台站置理事員已次第粗舉又請設青海甘邊屯墾使冀專事墾闢以漸收移民實邊教農固圉之效然格於勢而不得行者十尙八九刈榛闢塗謀尺而進寸非徒苦於財絀兵單亦以通曉邊事之才不多靚唱者曉音而和者希也茲之印布此書既以揚闡周君苦心尤欲警起國內閣達俾共注意於邊事云爾

中華民國八年春合肥張廣建撰

自序

迺其

青海南部有囊謙等土司二十餘族皆番也

衛藏通志謂之阿里克等四十遊其族數今昔參差之故具見考證門

其間唯

玉

玉樹四土司

游牧通天河上流

其地當西寧入藏孔道常代

表海南各土司支辦供億故西寧案牘率呼海南各土司為玉樹等二十五族及其久也

樹

則沒去等字徑呼為玉樹二十五族遂以專名為公名正猶隴省之名肅耳元之甘肅省止有河

西諸州路及寧夏額濟納等地自洮河關會以東皆隸陝西而省治又在甘州故白甘肅等處行中書省其名本正明廢甘肅省併于陝西清初因之雍正分省時大勢以隴山為

調

界乃沿用元人甘肅之名此當事者之不學也而川邊附近囊謙目為隆慶二十五族隆慶者囊謙之轉音也近

年經略川邊者謂二十五族為化外之民脅令投誠且置戍焉已得命於中央矣而番民

查

久隸西寧不樂屬川屢訴於甘而甘省所據以入告之文猶然玉樹二十五族也隴蜀共

爭一地而稱名互岐紛紛爭執踰年莫決中央乃飭兩省派員會勘時合肥張勳伯上將

初督甘肅以邊關道尹忠武軍統領周務學樸實耐苦文武兼資請特派為查勘界務大

記

員謂希武頗究心邊事委充隨員洸陽牛君載坤故習測繪學遂邀與俱行以民國三年

八月由蘭首途至西寧取道海南小路踰大積石山絕河源渡崑崙即巴顏哈拉山涉金

玉 樹 調 查 記

沙江朝犯瘴癘暮逐水草徑無人之地千餘里艱苦備嘗以十一月晦抵結古即舊牛君復衝寒冒險徧歷各族測繪地圖希武則訪問長老參攷圖志真象既明疑誤冰釋周特派員乃具條兩省誤會之由及番情向背之機隴蜀控制之宜由張勳伯上將轉達中央踰年三月奉令玉樹二十五族准仍歸甘肅西寧管理川兵退出境外凡駐結九閱月界務蕝事希武公牘餘暇輒最錄所聞並參以牛君調查所得久之盈卷以類排比稍加刪潤命曰玉樹調查記沿用訛名取便稱謂也乃爲序曰禹貢析支崑崙說者以爲析支在河首崑崙在今新疆和闐南而雍州黑水清儒謂卽潞江番人所謂哈喇烏蘇者是也揚雄雍州牧箴黑水西河橫截崑崙邪指闔闔畫爲雍垠今玉樹二十五族在崑崙之東黑水之北河源之南其爲禹貢雍州封略所及可斷言矣殷周盛時自彼羌莫不來享來王三代以降帝王德衰不能及遠於是漢有西羌之禍唐有吐蕃之患而禹迹故壤遂以敵國異域視之矣唐太宗至以宗室女爲公主下嫁吐蕃其酋迎之河源卽今娘磋北境是也元起朔漠囊括亞洲二十五族夷爲奴隸明逐蒙古而青海餘孽猶役屬玉樹清初始脫奴籍羈縻勿絕及其衰也蒞盟委員視爲利藪誅求椎剝番不勝困而勢

積弱卒

亦無敢有吐蕃者。始吐蕃盛時北陷河隴南沒松維以唐之強而不能遏其狂恣。及佛
 教大行於吐蕃人種日減。殺心漸弭。而獷悍忍鷲之風亦稍稍衰矣。故以趙宋之文羸而
吐蕃不能大爲邊患。明之季年。套虜跳梁海西。不聞海南有煽動之事。清之中葉。南番剽
 掠河北。不聞西番有響應之謀。斯非佛力去殺之明效歟。然天下之患。每伏於大利之中。
 彼唯不能爲吾患。則亦不能禁制遠夷而爲吾効保塞之助。王船山謂近夷衰弱。適足爲
 崛起遠夷之資。其今日吐蕃之謂乎。驀駭無識。被人傀儡。終且俛虎教獠。牯糠及米。况二
 十五族與彼壤地毘連。又同種同教哉。玉樹不保。勢將北擾蒙古。禍必中於湟中。東煽果
洛。患且及於洮岷。吾甘來日其盱食乎。今國家縱不能急切圖藏。豈可坐令玉樹爲之資
 耶。顧玉樹鄙遠艱食。宿兵實難。內地轉餉。寧能持久。計唯亟經營附近西寧蒙番。逐漸拓
 殖。以及玉樹。而經略之基。須寧海特別區域實行後。以湟中之全力萃於青海。始克有濟。
 蓋自海濱以至河首。荒原亂岫。豐草大泊。目極千里。往往無人。唯剛咱果洛諸野。番時出
 沒其間。自非三月聚糧。盛列卒徒。莫敢前往者。倘兵屯旣列。亭障相聯。道路無虞。來往玉
 樹者漸多。然後以兵保商。以商興屯。以屯足食。而瘠陁可化爲沃壤。玉樹之植基旣固。卽

玉樹調查查記

可聯絡川邊以爲制藏之計。今歐戰方酣。不暇東顧。吾國人欲經略海藏。此誠千載一時之機會。失今不圖。後必噬臍。而世之君子方且競爭權利於中區。蹄涔之水。坐視百餘萬方里之陸海榛莽。際天以待他族之開闢。此希武與牛君所爲。讀山有樞篇而相視流涕者也。乃發憤述玉樹調查記以爲經略青海之嚆矢。並以質世之留心邊事者。都四萬餘言。

維廿五族。荒服於清。民國勘撫。疆索以明。述部落記第一

兩戒維首。崑崙之墟。昔導厥委。今詳其初。述山脈記第二

夏姒導江。不竟其源。黑水雍略。後儒異言。述水道記第三

與康倚唐。是亦一奇。險阻旣著。籌邊是資。述地形記第四

清末政圯。蒙藏披離。鑒彼圖此。勿謂小夷。述政治記第五

吐蕃崇佛。殺去力衰。因勢利導。勝國是師。述宗教記第六

聚斲鳥葬。獸心未革。立教易俗。匪伊朝夕。述風俗記第七

貨棄於地。靡勿絕於邊。混沌不鑿。人將我先。述實業記第八

蝸角蠻觸。陶甌腥。事近蒐瑣。可燭番情。述掌故記第九
荒裔晚著。史籍無徵。輟舉所見。西爪東鱗。述攷證記第十

例言

一玉樹本囊謙等二十五族中之四族而甘肅歷來舊案以專名為公名相沿已久今姑仍之

一番名山曰拉水曰曲一作楚灘曰通一作塘溝中有灘曰雲無曰囊一作耶曰隴曰科

兩水之交曰松多硤曰尕湖泊曰錯今概循用番稱以符名從主人之義

一番族戶口及取民之制最難得其真象蓋恐增加負擔或奪其利權故多隱匿不實今姑就可攷者書之

一近人志地理於山脈水道大率有表意在力求簡明而披閱之下反難了然今仍仿禹貢水經之例分條叙次似較便觀覽焉

一玉樹荒裔晚著舊籍可徵者絕少唯衛藏通志西寧府志胡文忠一統輿圖青海調查記源楊某著僅二十餘頁載其崖略其餘材料皆此次調查所得雖掛一漏萬然非耳食博雅君子能補而正之更末學所祈望也

一經略玉樹之策希武尚有芻議一卷此書止述風土未能多及芻議將以次出版

玉樹調查記卷上

天水周希武著

部落

海南各土司

言語狀貌宗教風俗大類西藏族蓋羌渾吐蕃之支

裔也其棲息之地爲金沙鴉確瀾滄諸江之上流在虞夏爲雍州蠻荒之地殷周迄漢爲西羌地晉及六朝迭爲吐谷渾白蘭党項所據唐宋以降爲吐蕃地元明以後其土人夷爲蒙古奴隸清初始脫奴籍載在貢馬番族之列二百七十年來唯以羈縻爲政策會盟徵求之外聽其自生自滅而不爲之所乃至種落分合之故番酋嗣襲之常檔冊亦略而不具入民國後遂以稱名之互歧釀成隴蜀之爭執紛紛者踰年而不決夫玉樹屬隴屬蜀猶之中國也所憂者附近西藏隱患方長耳余隨使玉樹訪問長老參考圖志始得其種族區分之詳述部落記而以位置疆域弁於篇首

玉樹在青海之南部地形縱狹橫廣南盡北緯三十二度當雜曲鄂穆曲二水之間川邊昌都之北北盡北緯三十五度三十分當黃河源星宿海之南岸南北相距三度三十分

西盡東經(準英經度)九十四度當通天河南北二源合流之西按自此西至東經九十度其地皆屬青海其

間有無人種尙未調查的確東盡東經九十九度三十分當咱曲河東源盡處東西相距五度三十分

面積約四十萬方里占有青海全部三分之一弱以上位置

東與川邊石渠鄧科同普昌都諸縣爲界南與類烏齊及前藏納書克等三十九族爲界

西北皆荒寒無人之地遙與蒙古柴達木新疆東南部相接東北與果格番毘連東西約

一千二百里南北七百餘里以上疆域

玉樹凡二十五族曰囊謙族曰拉休族曰蘇爾莽族曰蘇魯克族曰格吉上中下三族曰

中壩上中下三族曰迭達族曰稱多族曰固察族曰安冲族曰娘磋族曰玉樹四族曰扎

武三族曰永夏族曰蒙古爾津族曰竹節族

囊謙爲玉樹二十五族中之一大族有分土有分民領袖各族而無管理各族之實權其

地跨據雜曲鄂穆曲兩河東與蘇爾莽爲界南與昌都類烏齊及巴厝多舒瓊布噶魯色

爾扎等族自多舒以下諸族即納書克等三十九族中之數也爲界西與蘇魯克中壩格吉爲界北與拉休爲界有

千戶一員駐色魯馬莊莊民四十餘戶別有千布管理千戶下有散百戶四員百長二十六員爲千戶分

玉樹調查記卷上

理土地屬民共二千餘戶耕牧相雜

羣博百戶駐色魯馬西南八九十里之折牙馬地方管番民一百餘戶廬居耕田

洞巴百戶駐色魯馬西一百五六十里之岸陌計地方管番民五十餘戶帳居畜牧洞按

巴舊志自爲一族何時歸并囊謙無考(諸稱舊志皆指衛藏通志)

阿夏百戶駐色魯馬西八九十里之打巴拉地方管番民九十餘戶帳居畜牧間有耕

田者

加茶百戶駐色魯馬西十餘里之宗唐地方管番民一百餘戶半耕半牧

以上四百戶均在千戶所駐色魯馬莊輪流辦事當值百戶則有代理千戶事務之

全權每日由千戶給當值者生羊肉早晚各一方其酥油炒麵皆自備而現在羣博

加茶二百戶則最爲千戶所倚信

多烏一作東翁百長駐色魯馬東五十六里之謙木多地方管番民三十餘戶廬居耕田

遜打迫百長亦稱百戶駐色魯馬東北九十餘里之強木曲地方管番民一百二十餘戶廬

居耕田按遜打迫亦作買蓋拼音也

茶瓦百長駐色魯馬東北八十餘里之雄郎地方管番民四十餘戶廬居耕田

羣品百長駐色魯馬東北四十餘里之打木容地方管番民十餘戶帳居畜牧

葱沙百長駐色魯馬北五六十里之打木科地方管番民三十餘戶廬居耕田

中冷百長駐色魯馬北七八十里之阪雲地方管番民十餘戶帳居畜牧

中沙百長駐色魯馬西北八九十里之阪雲地方管番民三十餘戶帳居畜牧 按前清光緒十

六七年間 遞呈有功千戶許為請充百戶未果然至今人均以百戶稱之云

達沙百長 亦稱百戶 駐色魯馬西北七八十里之阪雲地方管番民七八戶帳居畜牧

朶吾百長駐色魯馬西北百里之阪雲地方管番民十餘戶帳居畜牧

中壩巴羣百長 東桑百長 曲才百長同駐牧色魯馬西一百五六十里之岸阪計

地方與洞巴百戶雜居共管番民二十餘戶帳居畜牧 按清初收撫時止有巴羣東桑

百長之弟名曲才者分立為百長即以其名名部落又三百長均稱中壩云

加冷中壩百長 現升為百戶 駐色魯馬西南約百餘里之志拉博多哈地方管番民六十餘

戶帳居畜牧

協亥百長駐色魯馬南六七十里之巴隆地方管番民三十餘戶帳居畜牧

節存百長駐色魯馬東偏南六七十里之那寧地方管番民十餘戶帳居畜牧

蓋多百長駐色魯馬東南七八十里之多那地方管番民二十餘戶廬居耕田

阿卓百長駐色魯馬東偏南七八十里之加拉哈地方管番民十餘戶帳居畜牧

阿代百長駐色魯馬東偏南之雜哈地方管番民十餘戶帳居畜牧

梅鳥百長駐當木喀距色魯馬三十餘里管番民十餘戶帳居畜牧

旦那百長駐色魯馬東南九十里之保無容地方管番民十餘戶帳居畜牧

多岡馬同百長駐色魯馬東南百餘里之東岡容地方管番民十餘戶廬居耕田間有

畜牧者

色藥百長駐雜曲河北岸聶容地方距色魯馬百餘里管番民十餘戶帳居畜牧

蘇諾百長駐雜曲河北岸聶雲地方距色魯馬約百里管番民二十餘戶帳居畜牧

安登百長駐雜曲河東岸顧強雲地方距色魯馬一百二十餘里管番民百餘戶廬居

耕田

按此外尚有拉雪安可二百長未詳所在 又按上列戶數皆得自訪聞多隱匿不實度止有實數三分之一耳以下各族均仿此

扎武拉達布慶謂之扎武三族同駐牧一地在通天河南東以朝午拉山與川邊鄧科縣

為界南與川邊同普縣為界西與蘇爾莽拉休迭達為界北以通天河與迭達及加迭喀

桑之曲河流城諸族謂為界扎武百戶駐結古一作蓋所屬百長六員曰哈至駐結古東

藍達曰哈拉休曰節綜管番民三百餘戶拉達百戶駐班慶寺附近所屬百長一員番民

一百餘戶布慶百戶駐班慶寺東喀色莊所屬百長七員現止番民一百餘戶 扎武

有華離之地二處一在通天河邊稱多拉布迭達之交藍達哈拉休二百長所駐也一在

義曲河西迭達玉樹安冲之交節綜哈秀二百長所駐也哈秀前百長喇嘛也死無嗣現

理哈秀三族之民廬居耕田者多帳居畜牧者少結古為商賈走集之地二十五族之都

會也市民有二

拉休族駐牧地橫跨子曲河南北東與扎武蘇爾莽為界南與囊謙以夏拉山為界西與

格吉麥馬族為界北與迭達玉樹為界所屬百長十二名番民五百餘戶十九皆帳居畜

牧百戶駐隴喜寺又蘇爾莽東境有吹靈多多寺原自為一族後附屬拉休又按拉休百長十二員除

夢馬得馬二百長均係世職外餘皆千布百戶臨時所置以理民事者代行其職

迭達駐牧地跨通天河其大部在河西東與稱多扎武屬地及拉布寺竹節族為界南與

扎武拉休為界西北與扎武屬地及玉樹連界所屬百長三名曰拉達曰龍媒曰狝德番

民六百餘戶廬居耕田與帳居畜牧者相半百戶駐通天河東北岸亦名迭達莊

固察駐牧地在通天河東北岸東與加迭喀桑及稱多為界北與娘磋為界西南以通天

河與安冲為界百戶駐沁喀莊無百長所管番民一百餘戶廬居耕田

稱多駐牧地在通天河東岸東北與加迭喀桑為界西北與固察為界南與拉布寺迭達

及扎武屬地為界百長一員曰喀俄屬民三百餘戶廬居耕田百戶駐周均莊

安冲駐牧地在通天河西南岸東北以通天河與固察為界北與玉樹娘磋連界西南與

扎武屬地為界百長七員曰安冲曰阿薩曰阿永曰葉屬民五百餘戶廬居耕田百戶駐

安冲莊按典巴百長屬民近年分迷娘磋固察百長遂失職

蒙古爾津族 永夏族 竹節族 同牧咱曲河流域統稱加迭喀桑譯言三族人民

合駐之意）又謂之咱曲喀娃（譯言咱曲河地方之人也）東與川邊石渠縣為界南

與扎武為界西與迭達拉布寺稱多固察為界西北與娘磋為界東北與果猪番為界地

處奢拉山即巴顏山南麓風氣高寒民皆帳居畜牧自竹節寺迤南踰加浪山循歇武溝至

通天河濱稍有廬居耕田之民蒙古爾津百戶駐奢雲水入咱曲河之交無百長屬民一

百餘戶永夏百戶駐東羣河上流所屬百長一員曰喀耐寺番民五百餘戶竹節百戶駐

竹節寺兼為喇嘛其族自蒙古爾津分出年月無考所屬百長三名休瑪百長駐奢雲此次以

長駐上流武阿七六五百長駐義赫曲一帶地方番民共五百餘戶各無定地交錯詳著

界其分云

按蒙古爾津前百戶死時其子勿健諾布尙幼其妹白力代理百戶事務白力生子官

磋後遂襲職稱白力登馬百戶勿健諾布既長乃招集其父故部自為一族由是蒙古

爾津分而為二勿健諾布即以為名為部落之名而蒙古爾津之名遂微然則上所謂

蒙古爾津者何也謂勿健諾布也其不予白力登馬者何也重血統也白力登馬族現

駐牧咱曲河上源屬番二百餘戶附近通天河之色科溝有屬田歲春則往田秋收則

去

阿七六瓦族原係各族亡命之徒羣聚肆掠經各百戶追捕窮急遂逃聚熱雲義赫曲之間插帳而居自爲一部搶掠少衰受竹節百戶節制然猶爲各族盜賊之逋逃藪云

按阿七六瓦前百長桃南求達沒時其子貢哈汪吉尙幼暫令其弟官礎代理百長事務

蘇爾莽駐牧地在子曲河下流東與扎武爲界南與昌都爲界西與囊謙爲界北與拉休爲界百戶駐囊結載寺所屬百長二名曰汪輩番民四百餘戶田多牧少

蘇魯克駐牧地在鄂穆曲河南東以桑木曲水與囊謙爲界西以雅木曲水與中壩麥馬族爲界南以大山（即當拉嶺山脈）與藏邊之瓊布色爾扎族爲界北以鄂穆曲河與囊謙爲界所屬百長二名曰讀巴賽瓊番民四十餘戶

格吉麥馬格吉班馬格吉得馬三族同駐牧雜曲及子曲河上流東與拉休囊謙爲界南與中壩爲界西北與玉樹爲界麥馬百戶駐子曲河上流所屬百長一名番民四百餘戶得馬族近分爲二母族曰咱梭百戶子族曰那錯百戶均駐雜曲河北岸無百長屬民共一百餘戶班馬百戶駐讓雲地方無百長屬民一百餘戶皆帳居畜牧三族牧地交錯亦難分析云

玉樹調查記卷上

中壩麥馬中壩班馬中壩得馬三族同牧鄂穆曲及阿雲當木雲之上源東與囊謙蘇魯克爲界南以當拉嶺與藏邊之瓊布色爾扎納魯養他馬納魯木他馬夥爾吉卡夥爾梭得馬各族爲界西境皆無人之地北與玉樹格吉爲界麥馬百戶駐鄂穆曲河南所屬百長一名番民四百餘戶班馬百戶駐鄂穆曲河北所屬百長一名番民一百餘戶得馬百戶駐當木雲之上源所屬百長一名番民

頃中壩班馬百戶死無嗣暫由囊謙千戶委鄂博百戶代理班馬事務

未詳皆帳居畜牧員今其原有一百長三

戎摸將賽總舉鴉拉謂之玉樹四族同牧通天河上游東與娘磋安冲扎武屬地迭達拉休錯壤南與格吉中壩昆連西北皆無人之地地面最爲遼闊唯多荒寒不毛之區其民皆以游牧射獵爲業遷徙往來無常處戎摸百戶現駐業卡曲入通天河之交東南距結古五六日程屬民五百餘戶近年戎摸百戶耐鼎之姪干卜汪加分立爲日瓦百戶將賽百戶駐通天河南登俄隴水之上游西北距戎摸二日程屬民百餘戶總舉百戶駐通天河北曲馬來雲地方東南距結古十二日程屬民一百餘戶鴉拉百戶駐通天河南當木雲地方屬民八九十家玉樹現有百長五員曰夏西曰插哈曰巴拉曰布湫曰邦九各私

其土子其民不受百戶節制總舉之民有白馬斗金者現駐池桃日瓦之地在當木雲西爲人頗強幹玉樹各族之事多由其主持焉

娘磋駐牧地橫跨巴顏哈拉山北瀕星宿海及扎陵鄂陵二海與柴達木相接南至通天河與固察安冲爲界東與加迭喀桑及果猪番爲界西南與玉樹爲界南境協曲河流域有廬居耕田之民迤北風氣高寒民皆帳居畜牧百戶無常治百長一名屬民三百餘戶

覺拉寺屬地在雜曲河北囊謙拉休之間屬民百餘戶

按覺拉寺即舊志所謂南稱界內駐喇嘛覺巴拉族也原司會盟時遞文之差免其馬貢今所司廢弛已久

拉布寺屬地在通天河北竹節稱多扎武迭達之間屬民一百五十餘戶

按拉布寺即舊志所稱喇嘛拉布庫克族也原司木魯烏蘇(即通天河)濟波免其馬貢後因距渡口稍遠司渡之事遂由扎武監達百長管理

按以上二族以寺僧管理番民無百戶百長之職亦不歸他族管理亦玉樹各族之變例也而拉布寺則請拉休百戶爲代理人

玉樹二十五族區分表

族	名	土	職	駐	牧	地	界	所屬	頭目	屬	民
---	---	---	---	---	---	---	---	----	----	---	---

上 卷 記 查 調 樹 玉

部 落

稱	固	迭	拉	布	拉	扎	囊
多	察	達	休	慶	達	武	謙
百	百	百	百	百	百	百	千
戶	戶	戶	戶	戶	戶	戶	戶
迭 節 通 北 界 固 察 南 界 拉 布	在 通 天 河 東 北 岸 東 界 竹 節 稱 多 北 界 娘 磧 西 南 界 安 沖	跨 據 通 天 河 其 大 部 在 河 西 東 界 稱 多 拉 布 竹 節 南 界 扎 武 拉 休 西 北 與 扎 武 屬 地 及 玉 樹 連 界	橫 跨 子 曲 河 南 北 東 界 扎 武 蘇 爾 莽 南 界 囊 謙 西 界 格 吉 北 界 玉 樹 迭 達	迭 達 竹 節	邊 鄧 科 南 界 川 邊 同 普 西 界 蘇 爾 莽 拉 休 迭 達 北 界	同 駐 牧 通 天 河 南 東 界 川	橫 跨 雜 曲 鄂 穆 曲 二 河 東 界 蘇 爾 莽 南 界 昌 都 類 鳥 齊 及 巴 屑 多 舒 瓊 布 噶 魯 色 爾 扎 等 族 西 界 蘇 魯 克 中 壩 格 吉 北 界 拉 休
百 長 一 名	無	百 長 三 名	百 長 十 二 名	百 長 五 名	百 長 一 名	百 長 六 名	百 戶 四 名 百 長 二 十 六 名
三 百 餘 戶	一 百 餘 戶	六 百 餘 戶	五 百 餘 戶	一 百 餘 戶	一 百 餘 戶	三 百 餘 戶	二 千 餘 戶

上 卷 記 查 調 樹 玉

安	冲	百	戶	在通天河西南岸東北界 固察北界玉樹娘磴西南 界扎武屬地	百長七名	五百餘戶	
蘇	爾	莽	百	戶	在子曲河下流東界扎武 南界昌都西界囊謙北界 拉休	百長二名	四百餘戶
蘇	魯	克	百	戶	在鄂穆曲河南東北界囊謙 西界中壩南界瓊布色爾扎	無	未詳
蒙	古	爾	百	戶	同牧咱曲河流域東界川 邊石渠縣南界扎武西界 迭達拉布寺稱多固察西 北界娘磴東北界果格番	無	一百餘戶
永	夏	節	百	戶	百長一名	五百餘戶	
竹	節	百	戶	百長三名	五百餘戶		
格	吉	麥	百	戶	同駐牧雜曲及子曲河上	百長二名	四百餘戶
格	吉	班	百	戶	流東界拉休囊謙南界中	無	一百餘戶
格	吉	得	百	戶	壩西北界玉樹	無	一百餘戶
中	壩	麥	百	戶	同牧鄂穆曲及阿雲當木 雲之上源東界囊謙蘇魯	百長一名	四百餘戶
中	壩	班	百	戶	克南界藏邊三十九族西	百長一名	一百餘戶
中	壩	得	百	戶	境皆空地北界玉樹格吉	百長一名	未詳

部 落

上 卷 記 查 調 樹 玉

部 落

<p>附 拉 布 寺</p>	<p>附 覺 拉 寺</p>	<p>娘 磋 百 戶</p>	<p>玉 樹 鴉 拉 百 戶</p>	<p>玉 樹 戎 摸 百 戶</p>	<p>玉 樹 總 舉 百 戶</p>	<p>玉 樹 將 賽 百 戶</p>
<p>寺在通天河東東界竹節 南界迭達西界扎武北界 稱多</p>	<p>寺在雜曲河邊南界囊謙 北界拉休</p>	<p>北瀕星宿海南至通天河 東與迭喀喀桑果格番爲 界西南與玉樹爲界</p>	<p>北皆荒寒不毛之地 壤南與格吉中壩接境西 磋迭達安冲扎武拉休錯 同牧通天河上游東與娘</p>			
<p>一百五十餘戶</p>	<p>一百餘戶</p>	<p>三百餘戶</p>	<p>一百餘戶</p>	<p>一百餘戶</p>	<p>一百餘戶</p>	<p>一百餘戶</p>

十四

山脈

中國山脈皆權輿崑崙而崑崙南北中三幹分支之處實在青海之西玉樹二十五族適當南幹中幹分支之交古所謂崑崙之墟者其謂是乎述山脈記

崑崙導源葱嶺間隔新藏東迤至海西分為三大幹北幹由海北入內地為祁連賀蘭陰山諸山脈今以不在玉樹境內不著中幹橫枕玉樹娘磋加迭喀桑之北境為黃河金沙江之分水嶺蒙古名巴顏哈拉山番名奢拉山入內地為岷山西傾鳥鼠秦嶺伏牛大別諸山脈南支橫貫中壩格吉玉樹拉休迭達扎武諸族境內為金沙瀾滄江之分水嶺蒙古名當拉嶺番名朝午拉山入內地為雲嶺五嶺仙霞諸山脈南幹於中壩南境又分一支東南入藏邊二十九族界為瀾滄潞江之分水嶺入內地為怒山三崇九龍諸山派以不在玉樹境內亦不詳焉

（此等石山皆屬北支中支派）

崑崙中幹自玉樹西北入境是為奢拉山山之南麓有名州曲哥公喀者通天河北源之所出也奢拉又東迤分一支南出為州曲河（即通天河北源）及曲馬來雲河之分水嶺奢拉又東迤分一支南出為曲馬來雲及崗吾曲之分水嶺奢拉又東迤分一支南出為

崗吾曲及色勿曲之分水嶺奢拉又東迤入娘磋境分一支南出為蒲通那色公喀山蒲通

那色公喀山又分為中東西三支中支南迤至通天河濱之覺讓寺而止西支西奢拉又

東迤分一支東南出為通天河及咱曲河即鴉確江上流之分水嶺番名加浪拉山浪加

拉山西南出五小支一名牙馬拉山為代乃曲協曲之分水嶺一名木笋乾果山為協曲

固察曲之分水嶺一名凱拉山為固察曲稱多曲之分水嶺一名寧桑拉山為稱多曲拉

布曲之分水嶺武曲之分水嶺加浪拉山由歇武百長地出境入川西為素龍山脈奢拉又

東迤出加迭喀桑境入果貉番境南出一支為加迭喀桑及川邊石渠縣之界山番名咱冷木拉山

崑崙南幹自玉樹西南入境經中壩南番名奢午拉山山之北麓通天河南源之所出也

其南麓潞江北源古又曲之所出也奢午拉山東迤為當沙買拉山即當拉嶺也折而北

趨貫中壩境又北入格吉西境北出一支為當木曲及木哥曲之分水嶺奢午拉山折而

東迤包格吉北境為果瓦拉沙拉山北出一支為木哥曲及科遣雲之分水嶺奢午拉山

又東迤為科遣拉山北出一支為科遣雲及業卡曲之分水嶺名奔朵登拉山奢午拉山

又東迤至子讓公喀東南出為子叩勒馬朵拉山為東摸拉山為奢乃拉山為夏拉山為

浪俄拉山由蘇爾莽南境出界入類烏齊地乃雜曲河與子曲河之分水嶺也奢午拉山又東迤爲子當得拉山又東至將賽百戶南境北出一支爲業卡曲及登俄隴水之分水嶺名將公脫拉山奢午拉山又東迤至拉休西北境北出一支名色吾臣忌拉山爲登俄隴水與義曲之分水嶺奢午拉山又東迤至拉休東北境爲朶拉山北出爲扎馬拉山爲扎拉山乃義曲及結古曲之分水嶺也奢午拉山自朶拉山折東南趨入扎武西境爲熊拉山南出一支爲曹曲及子曲之分水嶺奢午拉山自熊拉山東迤橫貫扎武地爲恩扎拉山爲果拉山北出一支爲朝午拉山南出一支爲俄拉山奢午拉山由扎武東境出界入川邊鄧柯縣界折南爲雲嶺山脈

奢午拉山自當拉嶺又分出二支東迤一爲雜曲與鄂穆曲之分水嶺由中壩格吉之間東迤爲瓦裏拉山爲起拉吉拉山又東迤至囊謙西境爲班木結拉山班木結拉山又分二支一爲雜曲與巴兒曲之分水嶺東南迤爲桑維拉山由囊謙東南出境至昌都而盡一爲巴兒曲與鄂穆曲之分水嶺東南迤爲桑維拉山爲沙俄拉山由囊謙南境出界至巴兒曲入鄂穆曲之而盡一爲瀾滄江與潞江之分水嶺即二十五族與藏邊三十九族之界山也東迤至中壩麥馬族南爲保哥

加勒拉山又東至囊謙南爲貊勃拉山貊勃拉山又東出一支爲覺拉山由囊謙撻朶寺

南出境入類烏齊界至恩子曲入瀾滄江之交而盡

山脈高低比較表

就調查者親到用氣壓表實測之數為準

山 名	氣壓表高出海面米突	合 工 部 尺	實 測 處
結 古	四〇八〇	一二七五	巴曲河邊在結古南半里處
結 古 拉	四九五〇	一五四六·八七五	在結古北五里
扎 拉	四九二〇	一五三七·五	在扎西科腦
巴 通	四六九〇	一四六五·六二五	在結古南五十里
熊 拉	五六四〇	一七六二·五	在巴通南熊曲腦巴曲與子曲分水嶺
果 拉	五三七〇	一六七八·一二五	在巴通東南苟曲腦巴曲與協曲分水嶺
奢 拉	五二〇〇	一六二五	在咱曲上流奢雲腦
竹 節 寺	四六六〇	一四五六·二五	在咱曲河邊
加 浪 拉	四九〇〇	一五三一·二五	在協武溝腦

上 卷 記 查 調 樹 玉

惹拉	四七三〇	一四七八·一二五	在結古東北十餘里通天河邊
通天河	四〇四〇	一二六二·五	拉布寺曲河口藍達渡口處
拉布寺	四一六〇	一三〇〇·	在拉布曲邊
寧朶拉	四九五〇	一五四六·八七五	在寧朶溝腦拉布曲與稱多曲分水嶺
稱多	四二三〇	一三二一·八七五	就周均莊測
凱拉	五〇七〇	一五八四·三七五	稱多曲與固察曲分水嶺
固察	四二〇〇	一三一二·五	就爾勒日莊測
東茂拉	五二八〇	一六五〇·	在囊西科腦
隆布交那	四八三〇	一五〇九·三七五	扎拉山以西大灘係義曲上流
岡尼拉	五一六〇	一六一二·五	在隆布交那腦
義曲	四二六〇	一三三一·二五	在拉吉莊測距入通天河口數里
阿西拉荷	五二六〇	一六四三·七五	結古西南七八里

上 卷 記 查 調 樹 玉

夏 拉	四九四〇	一五四三·七五	在顧強雲腦爲子曲與雜曲分水嶺
子 曲	四一三〇	一二九〇·六二五	吹靈多多寺前
顧 強 雲	四七〇〇	一四六八·七五	距夏拉二十里處
熱 強 拉	五一二〇	一六〇〇·	在覺拉寺東強知囊腦
雜 曲	四四六〇	一三九三·七五	覺拉寺西數里處
咱 轍 拉	四八八〇	一五二五·	東錯寺西
柴 間 達 通	四四三〇	一三八四·三七五	協曲建曲會合處
浪 俄 拉	五〇三〇	一五七一·八七五	蘇爾莽族藥曲河腦子曲與雜曲分水嶺也
雜 曲	四〇七〇	一二七一·八七五	冷周莊渡口
拉 馬 拉	五一〇〇	一五九三·七五	囊謙東北三十里雜曲與巴兒曲分水嶺
囊 謙	四六五〇	一四五三·一二五	
麥 娘 拉	五〇〇〇	一五六二·五	囊謙南四十里干宗囊腦

自蘭州至玉樹沿途所測

地名	氣壓表高出海面米突	合工部尺	實測處
沙俄拉	五三六〇	一六七五	囊謙南七十餘里係囊謙與類烏齊及巴屑族之分界處也
朶縱拉	五四〇〇	一六八七.五	囊謙巴兒曲河腦巴兒曲與解曲分水嶺也
公給拉	五一五〇	一六〇九.三七五	更那寺附近解曲雜曲分水嶺
瓦裏拉	五三二〇	一六六二.五	咱曲河邊兒魯寺對岸
雜曲河	四七四〇	一四八一.二五	以魯寺前渡口
奢裏拉	五二〇〇	一六二五	巴米兒寺西十五里
茶讓拉	五三九〇	一六八四.三七五	跌牙寺西北十餘里
拉俄拉	五一七〇	一六一五.六二五	茶哈馬東二十餘里
蘭州城內	一六一〇	四〇三.一二五	
青石關	一六八〇	五二五	
黃河渡			

上 卷 記 查 調 樹 玉

山 脈

西寧城	二四二〇	七五六·二五	
湟源城	二八七〇	八九六·八七五	
日月山	三七五八	一一七四·三七五	
倒淌河邊	三五〇〇	一〇九三·七五	察罕城對面
卡不卡	三二九〇	一〇二八·一二五	
阿莉雲	三一七〇	九九〇·六二五	
貢朶淖	三一三〇	九七八·一二五	
切吉灘	三三九〇	一〇五九·三七五	
倒拉結山	四五五〇	一五二一·八七五	大河壩與恆鷲河分水嶺
扎索拉	四八三〇	一五〇九·三七五	
馬沁雪山	四八五〇	一五一五·六二五	
豆雲	四六二〇	一四四三·七五	

上 卷 記 查 調 樹 玉

囊謙	拉馬拉	雜曲	夏拉	子曲	熊拉	結古	通天河	奢拉	野牛溝	野馬灘	黃河渡
四六五〇	五一〇〇	四四六〇	四九四〇	四一三〇	五六四〇	四〇八〇	四〇四〇	五二〇〇	四七一〇	四六〇〇	四五二〇
一四五三·一二五	一五九三·七五	一三九三·七五	一五四三·七五	一二九〇·六二五	一七六二·五	一二七五·	一二六二·五	一六二五·	一四七一·八七五	一四三七·五	一四一二·五
	囊謙東北三十里雜曲與巴兒曲分水嶺	覺拉寺西數里處	在顧強雲腦爲子曲與雜曲分水嶺	吹靈多多寺前	在巴通南熊曲腦巴曲與子曲分水嶺		拉布寺曲河口藍達渡口處				鄂陵海下約三日程

上 卷 記 查 調 樹 玉

山
脈



水道

今人製圖遠勝古人固也然有詳明之地圖而無精確之說明以輔之則圖之傳訛無由正其得失蓋圖印難而差易說印易而差難古人所以圖史並重也余嘗讀桑經鄺注愛其敘述水道表明所過郡縣使千載下讀其書者因水道以得古蹟之所在歷然如指諸掌其效用豈遽出圖下哉今竊仿斯旨本牛君測繪之圖詳述水道源流並所經部落僧寺使披圖者有所考焉述水道記

黃河

黃河番名瑪曲源出巴顏哈拉山北麓蒙古柴達木地東流娘磋北境瀦爲星宿海又東爲扎陵鄂陵二海出娘磋境入果洛番地

鴉礮江上流

鴉礮江上流番名咱曲舊圖多作瑪曲乃誤源出加迭喀桑北境巴顏哈拉山南麓東南

流經白力登馬族牧地東羣曲水自東北來入之又東南流至蒙古爾津族牧地奢雲水自東北來入之又東南流至巢弄通盤智曲水自西來入之又東流左受一小水折而南

流有三水一名列且公馬一名列且桑馬出雜冷木拉山西北麓自東來入之又南流右受東果

曲摺曲二水左受三小水又南流東模雲水自東來入之水出雜冷木拉山又南流至竹

節寺東右受一小水又東南流至休瑪寺西毛瓦雲水自加浪山北流來注之又東南流

右受喀耐寺情錯寺二水又東南流至打喀木多出境入川邊石渠縣界有柴隴水出雜

冷木拉山東麓南流來入之柴隴水上流又東經石渠縣南有麻木雲水出熱富喀當拉

山南流入之在麻木雲水上○按二水流名熱雲皆下流至川南會理縣西入金沙江

金沙江即揚子江上流

金沙江上流蒙名烏魯木蘇河番名州曲普通名通天河有南北二源北源出青海西界

勒科爾烏蘭達布遜山東南流千餘里至玉樹總舉百戶牧地西界與南源會南源出青

海西南界當拉嶺北麓控引衆水屈曲東北流千餘里與北源合是爲通天河東流經總

舉百戶牧地有曲馬來雲水自北流來入之又東有當木雲水自西南來入之水出中壩

流左受當午布結曲水右受當西卡水北流經鴉拉又東有木哥曲水出羣科扎西啓瓦

地方自南流來入之又東至牙各張喀地方有牙雲水自南流來入之牙雲上流有小泊

百戶牧地又北流至州當改巴協喀地方入通天河

百餘番名邦婁的

加緡 又東有岡吾曲水自北來入之又東有科遺雲水自南來入之水出科遺拉根山北流
小溝十八番名科桑瓦隴慶交結又北流左受惹仍昂奔隴(冰各)又東經戎摸百戶牧地

達隴(巴桑奢九)三水右受莫莫隴奔雲二水又風曲北流入通天河

有色勿曲水自北來入之日蒲通水北源曰加曲水 又東至業卡達科有業卡曲水自

南來入之 業卡曲水有東四二源西源名偶道曲出巴拉百長地東北流左會思隴水與

受打隴水又東北流固彎業卡曲水自東南來入之(固彎)曲水出將賽百戶牧地左挾較穿較

千馬加三水西北流入業卡曲水業卡曲水折北流(巴沙充莫隴)(麥隴)(當帕美)(將較

才隴二水自西流來入之又業卡曲水又北入通天河 又東經將賽百戶牧地左受(登

額那)(公東朗)(公正朗)(公穹朗) 四水又東至覺讓寺南左受一小水折東南流至

夏魯寺西南覺穹郎水自東北來入之登俄隴水自南來入之登俄隴水出將賽牧地南

宗科水有曲馬麻隴水自東南來入之宗科水又北流名蘇莽水又北流(湯喀雲)(惹瓜

雲)二水合流自東來入之又北流始名登俄隴左受(能將通拉)(當蘇將)(登俄公郎)三

子又北流注 又東流至岡洒寺北有相木科水出扎西拉山自南來入之又東入娘磋南

境有巴郎水自東北來入之又東南流代乃曲水自北來入之代乃曲出巴顏哈拉山南
格公馬(智格班馬)(智格桑馬)三水左受(野馬雪蓮)(聞喜得馬)二水折南流至曠給
松多加香曲水自東北來入之智曲又南流有年西耶水自西來入之智曲又南流至曠給
拜松多勃合東南流勃勒哥前之水勃科水出娘磋西南境有二源西曰勃哥桑前東曰勃哥

南至代勃松多與智曲合始名又東南流至固察種毛藉莊協曲水自北來入之協曲水出嶺磧

東境牙馬拉山東麓南流經色航寺東又南流嶺讓耶水自東來入之協曲又南流經喀迭莊西(北利)(可馬)(達過)三莊東出嶺磧境又南經固察木許莊西亭哈莊東至種

毛藉莊之西又折而南流至卓亥莊西南固察曲水自東流來入之固察曲出加浪拉山南入通天河

北沁水左合龍敷耶水又西流經爾勒日莊又折而東流義曲水自西來入之義曲出迭達

麓東西二源合流北注名覺雲又北奪哥雲水自西來入之又北至曲池喀交那雲水自東來入之科雲水自西來入之又北左受一水始名義曲又北左受一水入安冲境折而

東流經喀惹莊班貢寺南茶通揭惹莊北輒曲又東至南木達莊屬地北郎西科水自西南

來入之又東入稱多境稱多曲水自東來入之稱多曲出加浪山西藏南北二源合流西

又折而南流至本領莊屬地西南又折而東流至增勃莊屬地南又折而南流至藍達莊

屬地武西湯隴水自西流來入之拉布寺水自東來經圖登貢巴北入通天河又南流至迭

達之且達莊東摺西科水自西來入之又東南流經迭達莊西又南流至芒勃莊屬地達西

南折東流至直布達莊屬地武百南歇武溝水自東北來入之歇武水出加浪拉山西南流

水又南流至直布達莊又東南流色科溝水自北來入之又東南流結古水自西來入之結古

出結古西南之熊拉山名熊曲東北流有同哈中途水源出果拉山北流經荷老馬插合

地東又北流至提子曲水自南來入之有曲又東來與荷曲會荷曲自此折西流經班寺西
南又北出硤至結古寺南是為結古水一番名扎曲又東經新寨莊南有小水自西北流來入之結
水古本名扎曲恐與鴉磻江上流咄咄曲河混故以地名之古又東南流至夏達莊屬地出境
入川邊鄧柯縣界是為金沙江

瀾滄江上流

瀾滄江上流有二源北曰雜曲河南曰鄂穆曲河

雜曲河發源格吉西北境果瓦那沙拉山麓有南北二源南源曰雜那雲北源曰雜朵雲

二水東流至扎西拉賀寺之西相合名雜朵拉松多之番人謂兩水雜朵拉水東南流至阿

雜松多阿雲水自西南來入之阿蘇松多蘇旺雲水自西來入之阿雲水又東北流至阿

雜松多與雜朵拉水相會是為雜曲河東南流右受可兒袞雲加戎雲二水又東南至雜蒲多蒲兒曲

水自北來入之受然知雲水又南流至雜蒲松多入雜曲河瓦裏郎水自南來入之又東

流經兒魯寺作慶寺之南泗欠惹瓜左受六水右受一水又東勃弱水自北來入之水出

子叩勒馬朵拉山東南流至巴七寺借魯雲水自東北來入之又東南流慶摸雲水自

水道

玉樹調查記卷上

東北來入之朶尼雲水自西南來入之又東南流羣摸水自東北來入之又東流班木雲水自西南來入之又東入囊謙境倒澤雲水自南來入之折東北流多各覺水自北來入之又東流經達朗喀莊北又東果魯雲水自南來入之又東入覺拉寺境年曲水自西北來入之水出囊謙西北境奢乃拉山東麓左右各受一水東南流至尼牙寺左右又各受一水又東南流至覺拉寺西入雜曲河又東流經覺拉寺南又東南流左受三水右受三水又東南顧且雲與覺雲水合流自東北來注之又東經朶袞地方南右受一水又東仍入囊謙境喀拉隴水自東北來入之又東南流至坎達莊西龍光硤水自東北來入之又東南雪隴水自西來入之又東南經古特知莊南又東南至宗咱莊東強西雲水自西來入之葉浪朶硤水自東來入之又東經蘇爾莽境出界至昌都之達賴喀莊左合子曲河又南流至昌都與鄂穆曲河合是爲瀾滄江

子曲河發源格吉東北境子叩勒馬朶拉山之北麓名子慶雲東流子當得郎水自西北來入之又東朶種工馬水自北來入之又東至子野墨松多子羣雲水自西南來入之又東左受子借木郎水右受三水又東左受子革馬水又東南流右受一水入拉休境簡倉曲水自北來入之又東達木雲水右挾二水自東北來入之又東左右各受一

水又東日慶科水自北來入之又東右受一水折東南流多拉馬果水自北來入之折

南流色拉隴水自西來入之又南至落果惹瓜川邊所謂也隴曲水自東來入之水東北出柔拉

山三源並發合流南注名波象雲左受曳吉水又南流榜曲水自西來入之折東流左

折西南流經隴喜寺南折西流入于子曲河

受龍牙郎惹羣郎二水入蘇爾莽境屈曲東南流右受將喀郎水又東南至吹靈多多

寺西咱輒雲水自東來入之又折而南又折而西至囊結載寺東南藥曲水自西來入

之又折而南流經朵登寺西左右各受一水又南姚那雲水自西來入之又南至多忍

多莊東姜雲水自東北來入之水出扎武南境惹乃拉山有東西二源南流至何載尼莊合流西南至多忍多莊東入子曲河又南出

界入川邊同普縣境左受改曲河西南流至昌都之達賴喀莊入雜曲河

曹曲水源出扎武境內有東西二源西源出恩扎拉山曰建曲東南流經拉午寺南又

東南至柴問多通與東源會東源出果拉山曰協曲南流經東錯寺東又南與西源會

是為曹曲東南流入蘇爾莽屬地經德色提寺東又南經俄洛達莊東又南出界入川

邊同普縣境至曹改松多與改曲會改曲出川邊鄂科縣境西南流入同普縣境至曹改松多與曹曲合又西南入子曲

按子曲本雜曲之支流曹曲又子曲之支流而交會之處皆不在境內故特附于幹流之後低一格以示別下巴兒曲河仿此

鄂穆曲河上流名解曲發源藏邊瓊布納魯木他馬族北界當拉嶺東北麓有東西二源

東曰穆雲西曰桑雲東北流至中壩南境穆桑巴吾松多合流又東北流至保吾野永松

多保雲水自西北來入之折東流左受二水又東巴兒俄郎水自北來入之又東經更那

寺南右受二水又東經龍喀寺南北受一水邦乃郎水自西南來入之又折東南流邦羣

雲水自東北來入之又東南鈎曲郎巴那郎二水自西南來入之又東南至囊謙西境姚

雲水自北來入之養雲水自南來入之又東南雅木曲水自南來入之又東南桑木曲水

自南來入之桑木曲水出瓊布色扎族北界北流自此以下名鄂穆曲又東南經輒布結

郎莊之南又東至巴色果莊南友雲水自東北來入之又東南流有多惹郎哈冷郎二水

自北來入之又東南貊曲水自西南來入之又東南經撻哈寺北又東南出境入類烏齊

巴屑族地東流左受一水水出囊謙南境又東經改九寺北有鐵橋又東南流至莽達寺西

巴兒曲水自囊謙來東南流入之又東南流至昌都與雜曲河會

巴兒曲水源出囊謙西境朶縱拉山南北二源至拉慶寺合流東注經各尼巴地方北

受一水折東南流玳瑁寺水自東北來入之又東南名巴雲又折東流至當巴拉隴當雲水自北來入之又東流左受一水折東南流經囊謙千戶所駐色魯馬莊之西有小水自東北來入之折東南入一石硤甚險要約一里出硤于宗朗水自西南來入之又東南流至幹達寺西南出境又南流至昌都之莽達寺西入鄂穆曲河

拉休西北境有泊曰仁慶永錯周圍二十餘里泊之東北三十餘里有小泊曰色錯周圍七八里屬玉樹將賽族牧地

上 卷 記 查 調 樹 玉

水
道



三
十
四

地形

玉樹調查記卷上

玉樹西北一帶荒原亂岫豐草大泊廣漠無垠行數日不見其際帳居之民遷徙鳥舉難得而制攻之則拔帳遠去輕騎深入則糧運難繼裹糧而行則累重不及事且有抄掠之虞此絕地也東南一帶接近川西山高水深複嶺沓嶂虧蔽天日兀厓峭壁激衝湍流非惟無墳衍原隰並崗陵陂陀亦屬罕見其險隘處往往馬不能並轡咫尺之間便異形勢崎嶇險阻不利馳逐一夫當阨千夫趲起有事於此攻者利於繞越守者利於狙擊冥行盲進陷入伏中則一敗塗地此亦籌邊馭夷者所宜知也今略著形勢險要及津渡道路俾披圖者有所考證焉述地形記

通天河流域自娘磋以西盡玉樹境多草灘山甚低高者僅七八十丈至百餘丈自娘磋以下南北兩岸及協曲固察稱多拉布歇武義曲結古諸流域皆山峻川狹急流湍悍頑石塞途山高者至二百七八十丈川寬者不及一里窄者不及百步阪峻者至四十五度以上冬春之交溢冰滿谷無路可行番民皆就崖谷險處葺石屋居之或據山嶺俯瞰絕壑汲水樵蘇上下鳥道杜詩所謂硤人鳥獸居其室附層嶺下臨不測江云者雖就川東

言之然玉樹近川地形實相類矣聖武記言金川番族善築礮堡攻之不易今觀玉番據險築屋石墉屹峙鑿牖外向互相犄角自非絕其汲道巨礮轟之則無如何玉樹距金川猶近疑卽礮堡之類矣

咱曲河（卽鴉鷲江上流）流域山平川闊寬處十餘里狹處三四里山高者百餘丈唯道路坎坷難行蓋番地平處皆係沙草草隙沙土被勁風刮去其附近草根之沙土托結根鬚壘壘然如人身之有疥也寒則凹處冰雪凸處霜草滑達難行熱則徧地沮洳沒足滅附故雖平灘極望而馬不能馳騁

雜曲河流域自囊謙以上寬者里許狹者數十丈山高者百五十丈其在格吉境者猶娘磋以西之通天河也

鄂穆曲河流域其中壩境者山開川平囊謙以下寬者里許狹者數十丈山高者百餘丈惟不甚峻

子曲河流域自隴喜寺以上山開川平以下山峻川狹寬者里許狹者數十丈山高者二百餘丈

巴兒曲河流域山峻川狹寬者及里狹者數十丈山高者百餘丈

邊地要隘

歇武寺東有通川邊石渠縣之路野火溝其要隘也情錯寺東有業打喀木多地方乃鴉

確江出境之口亦有通石渠縣路

色科溝亦有通石渠縣路

結古東南有通鄧柯縣之路朝午拉山其要隘也

沿通天河出境亦可通石渠鄧柯唯硤險難行

結古南有通同普縣之路保合桑喀其要隘也

囊謙東南有通昌都縣之路幹達寺其要隘也

囊謙南有通類烏齊之路沙俄拉山其要隘也

囊謙西南有通藏邊三十九族之路撻朶寺其要隘也

中壩南有通藏邊三十九族之路索滂羊宗當沙買拉穆桑巴吾松多皆要隘也

玉樹西有通新疆和闐之路以荒遠罕行者未詳

由玉樹北行經娘磋境絕河源有通柴達木之路此故西寧赴藏之大道也扎鄂二海間

亦有路西合海北大道東合海南小道

由加迭喀桑休馬百長牧地東北踰奢拉山絕黃河經果猪番地有通西寧路所謂海南小道者是也

內地要隘

邊地之要隘有定腹地之要隘無定蓋無處非要隘也而形勢之輕重則視控馭者之所在以爲衡結古故爲內地委員蒞盟之地雖稍偏東而物力形勢均非他處所及後有駐紮經營者不能改也今以結古爲標準稍著各族之要隘焉

蘇爾莽赴結古以扎武之果拉山爲第一要隘禪姑寺爲第二要隘

囊謙赴結古以龍光硤爲第一要隘夏拉爲第二要隘拉休之龍喜寺爲第三要隘扎武之熊拉爲第四要隘

中壩赴結古以格格之拉吉拉起瓦裏拉山爲第一要隘囊謙之奢乃拉爲第二要隘拉休之朶拉爲第三要隘

格格赴結古以囊謙之奢乃拉山爲第一要隘拉休之朶拉爲第二要隘

玉樹赴結古以節綜山為第一要隘迭達之扎拉為第二要隘

娘磋赴結古以固察之種毛籍莊為第一要隘安冲之藏迭莊為第二要隘扎武屬之東

茂拉山為第三要隘迭達之扎拉山為第四要隘

加迭喀桑赴結古以加浪拉為第一要隘直布達為第二要隘惹拉山為第三要隘

若由西路則須出稱多拉布之
間要隘甚多見稱多拉布下

此東路也

固察赴結古以稱多之改鎖寺為第一要隘扎武屬之湯達中達增達三莊皆在通天河

西岸相距各數里據山臨河險要無比為第二要隘迭達之通布達莊為第三要隘稱多

赴結古以拉布寺之寧朵拉為第一要隘扎武之湯達三莊為第二要隘迭達之通布達

為第三要隘

拉布寺赴結古以扎武之湯達三莊為第一要隘迭達之通布達為第二要隘

安冲赴結古以東茂拉山為第一要隘扎拉山為第二要隘

迭達赴結古西路以通布達為要隘東路以惹拉山為要隘

覺拉寺赴結古以夏拉山為第一要隘隴喜寺為第二要隘熊拉山為第三要隘

津渡

通天河歇武寺直布莊南有渡口寬約二十二三丈扎武藍達莊西有渡口寬約二十四

五丈深丈許水清石底固察種毛藉莊有渡口寬約十八九丈均用皮筏冬有冰橋又通天河

上流玉樹境內有巴哈苦賽渡口係青藏大道

咱曲河蒙古爾津詔他南有渡口水小可涉

子曲河隴喜寺西有渡口深一尺六七寸漲時約二尺五六寸寬七丈許子雲亦有渡口

均可涉

雜曲河囊謙古特知莊南有渡口寬約六十丈馬行三四步深沒馬腹水甚清皆碎石鋪底

冬亦不凍覺拉寺南亦有渡口

巴兒曲河囊謙南南有渡口寬約三十餘丈深尺許

鄂穆曲河囊謙撻朵寺東北有渡口鄂穆曲流出境至類烏齊改九寺北有鐵橋寬約四十丈

道路

番地無里數唯以馬牛一日所行爲計馬日行約八九十里牛日行約五六十里今著

道路有不能詳其里數者但標明馬站牛站而已

由結古赴囊謙路

結古西南行六十里滂孔咱五十里曳吉松多以下拉地四十里隴喜寺二十里落果拉瓜

五十里顧強雲以下囊謙地南行六十里顧且寺七十里坎達五十里乃魯西南行二十五里

喀知西行四十里至囊謙千戶所在地

由結古西行六十里哈全中達六十里多拉馬果南行七十里落果拉瓜與大路會

由顧強雲西行馬站一站覺拉寺一站達浪喀以下囊謙地一站然覺寺西北行一站雲尼

朶以下格吉地西行一站泗欠惹瓜此囊謙赴格吉之路

由囊謙千戶所馬站一站當巴拉隴一站過尼巴西行一站巴色果由過尼巴西西北行一站至然覺寺西

北行一站龍喀寺以下中地西行一站更那寺一站保吾野永松多由更那寺西北行一站至可袞雲與結古

赴藏大道會大西南行一站穆桑巴吾松多又南可通藏邊壤下納魯養他馬族地

由囊謙千戶所馬站一站彼扎喀一站幹達寺出界一站莽達寺一站交老一站浪木達

一站昌都

地 形

由囊謙南行二站至改九寺三站至類烏齊寺

由結古赴藏大路

結古西南行牛站一站全哈中達扎武地一站波泉雲以下拉地西行一站尼馬戎夏一站達

木雲一站子雲西南行一站惹知加果囊謙地一站沙慶馬以下格地一站巴也寺一站泗欠

惹瓜一站瓦裏拉以下中地一站可袞雲一站阿那且馬一站阿哥公茂日由此西行牛站

六站踰朝午拉山至索滂羊宗(青藏分界處)出境至夥爾吉卡族(卽三十九族中部

落)之雜車火地方又經夥爾宜他馬族地八站至拉雪雲(羣車族地)又六站至江

娘你地方(咱馬族地)又一站出三十九族界至拉曲喀番人云此處與海北赴藏大路會

由結古赴石渠縣之路

結古東行馬站一站至歇武寺一站至達木多一站至石渠縣

由結古赴鄧柯縣之路

結古東南行馬站一站班慶寺一站喀沙以下鄧柯縣地一站瞻同一站鄧柯縣

由結古赴同普縣之路

結古南行五十里班慶寺一百二十里拿隆多七十里代隆屯以下同一百里果得五十

里又五屯一百里仁達四十里同普縣治共計程五百三十里 又由同普縣治折西行

九十里卡工五十里童山溝五十里覺雍八十里拖壩八十里熱鴉七十里昌都縣治

又由昌都西行四站至恩達又七十里至類烏齊 由昌都東南行五站至扎鴉

又由拿隆多西南行九十里德色提寺六十里窩納一百里金通四十里昂達貢五十

里昂多六十里温達五十里昌都此結古赴昌都捷徑也

由西寧赴結古之路

西寧西行五十里鎮海堡四十里湟源縣即舊丹南行六十里上窩藥西南行踰日月山

卡甘青分界處五十里倒淌河濱八十里恰卜恰六十里窩遜四十五里貢朵淖爾五十里切

吉河口南行四十里切吉河腦自倒淌河濱西南行十里巴彥淖爾南行三十里郭密西

至十餘里而自郭密西南行七十里班禪玉池即大河四十里扎梭拉溝六十里羊腸溝六

十里欽科車馬七十五里扎格車有四十里島高拉力色薄八十里馬拉有二十里黃河

渡口五十里野馬灘七十里野牛溝八十里哇雲灘五十里奢拉山西麓六十里休馬番

地 形

四十四

帳竹節寺所屬 七十里詔他番帳蒙古屬 南行七十里咱曲河濱四十里竹節寺東南行五十

里喀耐寺西南行六十里歇武寺六十里過通河 瓜拉小洲四十里結古自竹節寺西南行一百里拉布寺七

十里通布達六十里結古路較捷而多大山

共一千六百二十里此路八九月間草黃糞乾旅行最宜冬春大雪封山夏則泥濘縱橫又有瘴氣草小糞濕人馬俱困

又海南北赴藏大路經娘磋玉樹境其站口里數具詳衛藏通志西寧府志籌藏芻議
今以未曾親歷不具述

政 治

番無政，惟部落之故習而已。此所謂政，則中邦鈐束遠夷之制也。間以番俗之近政者附焉，述政治記。

海南番族自元明以來降爲蒙古奴隸。前清雍正初年，削平羅卜藏丹津之亂，漸次招撫。雍正九年，西寧總理夷情事務衙門大臣達鼐奏請川陝派員勘定界址。十年夏，西寧派出員外郎武世濟、筆帖式齊明、侍衛濟爾哈朗、遊擊來守華都司周秉元、四川派出雅州府知府張植、遊擊李文秀、西藏派出主事納遜、額爾赫圖、守備和尙、會同勘定。近西寧者歸西寧管轄，近西藏者歸西藏管轄。由是納書克等三十九族暫隸西藏，而阿里克等四十族歸西寧管理。

達鼐奏定：每千戶以上之部落設千戶一員，百戶以上之部落設百戶一員，俱由兵部頒給號紙。准其世襲。千戶之下酌設散百長五六名，百戶之下酌設散百長三四名。其不及百戶之部落設百長一名，由西寧夷情衙門發給委牌，每十戶設一什長，由千百戶派充。今按囊謙千戶之下有散百戶四員，不知何時設立，無攷。又清末頗有增設百戶百

百長有請命者，有自置者。

達鼐又奏該番前與苦苦淖爾人（即青海蒙古）納差因並無定數，任其增減，索取無休，以致衆心不服。又查四川納糧番子，係按地輸納，或戶少而輸納者多，或戶多而輸納者少，因不均勻，難以遵行。今請不計該番地之所產，止按部落之大小，每百戶納馬一匹，折銀十兩，如不及百戶之部落，亦照馬匹折價，每戶納銀一錢，奉旨馬匹價銀十兩，尙多可減二兩。

雍正十一年經徵起科，每百戶歲貢馬一匹，折徵銀八兩，不足百戶者，按戶遞算，每戶徵銀八分，總計四十族，共八千四百四十三戶，三萬二千三百九十名口內，除喇嘛覺巴拉、拉布庫克二族七十四戶，一遞文差一司濟渡，免其貢馬外，餘三十八族計八千三百六十九戶，共徵銀六百六十九兩五錢二分。除乾隆三年蒙古爾津族被果洛克賊番搶去番民九戶，玉樹尼牙木錯（即娘磋）固察稱多南兔（一作安圖，即安冲）典巴隆布（即迭達）下扎武族，因地震有番民全戶傷亡無存，及止存婦女幼子，不堪成戶者五十六戶，經總理西寧夷情衙門副都統巴靈阿派員外郎高備守備班第勘實奏准，永行

免賦外，實在番民八千三百零四戶，共徵銀六百六十四兩三錢二分。每歲由總理夷情衙門會同西寧總兵官行令各該頭目傳諭該管番子，限六月間交納，完全解赴西寧，仍由總理夷情衙門及西寧總兵官委員同交貯西寧道庫充作正饟，年底造冊報銷。原議一年會盟一次，三年後間年會盟一次。乾隆二年西寧總理夷情副都統保祝以四十族番民漸知禮法，奏改間二年差章京一員，守備一員，帶綠旗兵二十名，蒙古兵五十名前往結古會盟一次。

每值會盟之年，歲首由西寧欽差會同鎮台派委員弁前赴結古徵集各族千百戶行會盟儀式，以便催收馬貢，清理積訟。初，清朝國威盛時，委員蒞盟，千百戶百長均以時齊集。清末，委員到番，唯以誅求爲事，遠人漸肆。至者不過附近各族，囊謙千戶，或至或否，或遣所屬散百戶代之。娘磋玉樹格吉等百戶，雖召亦不至矣。委員需索既足，亦不之詰也。而各番目因緣爲利，馬貢銀兩戶出至二錢有餘。

蒞盟委員到番，人馬需用，概由番支。每人十日支饒巴（青稞炒麵）五斤，牛羊肉折支藏銀一元（合內地銀三錢二分），茶折支銀一元半，酥油（和饒巴食之）牛糞（番地無薪

王 樹 調 查 記 卷 上

以牛糞爲燃料)燈油青稞及草(飼馬芻)均支實物,又有湯役(供職爨汲水雜役之人)由番雇支,員弁所駐鋪屋,由番租賃鋪墊炊具,均由番供給,或曰:此自達竄收撫已後舊例,清末委員例外誅求,於是有所謂支鍋頭者,每鍋一頭,月支銀三十兩,委員人占鍋一頭半,或三頭,哨官人占鍋一頭,幕友及差官三人占一頭,什長四人占一頭,兵五人占一頭,火夫六人占一頭,番始困矣。

附近扎武各族均派人來結古輪流支差,遠者多不至,或事出倉卒,附近各族亦不及支差,則由扎武族代支,事畢計所費,由各族均攤,千百戶支差所費,皆取之於民,按戶攤派,上戶有出至數十元者,近年川兵闖入,誅求益甚,游民附之,藉口營商開場聚賭,日用所需,概責番支,番困益不堪。

委員過境,所需馬牛,由番支給,謂之烏拉,唯當孔道,各族有此差,餘則否,稍偏枯矣,自川兵闖入,需索烏拉,往往倒斃,或騎去不返,游民亦藉勢需索烏拉,番馬耗矣。

民國三年,周特派員務學,奉令查勘玉樹界務,除草糞湯役,仍由番支給外,所有例支陋規,概行裁免,需用各物,平價購買,屋租由公給值,烏拉日給銀半圓,自奉。

大總統令玉樹准仍歸甘肅西寧管理，周特派員又呈請將清末至今各族逋欠馬貢銀兩，凡四千餘金，酌量減免，番民始識民國之寬大矣。

番酋取民無一定之制，有田地稅，有牧場稅，田地稅有產糧與土司均分者，有按地納糧多寡不一者，牧場稅或納馬，或納牛羊，又有畜稅，牛馬一頭，或納銀一二錢，三四錢不等，

或云囊謙牛十頭納藏銀一圓

而扎武有一莊歲納饒巴六十斤，銀三兩，茶二十五斤者，此又在地稅牧

場稅之外矣，又有銀差，歲納一二次，三四次不等，此即供給差事所費，以攤之民者，無定

額，無定期也，又有馬差，牛差（即烏拉）步差，皆自備口糧從事。

結古有播種五升之地而歲納藏洋十六圓者，此余

所親見，故知鄧柯案卷不誣也。

按番地有最難調查者二事：戶口及賦稅是也。問戶口則以多報少，問稅額則云無之，蓋恐加稅，並奪其利權也。此據川邊德格、鄧柯等縣案卷擇錄一二。玉樹東南各族與德格等縣毘連當不甚遠也。

前清雍正十二年，頒給唐古特字律例於西番，係西寧夷情衙門從蒙古例內摘出繙譯者，例目共六十八條。

按蒙古例罰有十二等，罰牲至九九，罰馬至百頭，番例曾經奏定，罰服牲畜均不得過五九之數，定擬又以番地馬匹孳生甚少，犏牛孳生甚多，將罰服馬匹改爲犏牛。又按嘉慶十四年，西寧辦事大臣文奏云：細查青海蒙古番子，大約重財輕命，習尚相同，向來命盜等案，一經罰服，兩造欣然完結，卽深仇夙怨，亦皆冰解。若按律懲辦，不特犯事之家，仇隙相尋，卽被害之家，亦以不得罰服，心懷缺望。此種積習，不可化誨。伏查番子內附之始，雍正十一年間，經大學士鄂等會議，令西寧辦事大臣達鼐於蒙古例內，擇選關係番民易犯條款，纂成番例，頒發遵行，聲明俟五年後再照內地律例辦理。乾隆元五年八年十年，節經奏請展限，嗣准刑部議覆，番民鄙處要荒，各因其俗，於一切律例，素不通曉，未便全以內地法繩之，不若以番治番，竟於夷情妥協。嗣後自相戕殺命盜等案，仍照番例罰服完結，毋庸再請展限等因。具奏奉旨依議。欽遵在案。伏思番民等如敢糾約多人，肆出劫掠，或竟擾及內地，邊氓情同叛逆，以及肆意搶劫，蒙古牲畜凶惡顯著，關係邊疆大局之案，自應懾以兵威，嚴拿首從，隨時奏明，請旨辦理，以彰國典。其止於自相戕殺及偷盜等案，該蒙古番子等向

係罰服完結，相安已久，一旦繩以內地法律，恐愚昧野番，羣滋疑懼，轉非撫輯邊夷之意，可否俯順夷情，仍照舊例，出自皇上天恩云云。部議具奏，番民有犯情節重大之案，自應嚴示懲創，不得因有罰服之例，稍有寬容，以致法輕易犯，其尋常案件，該蒙古番子等，一經罰服，兩造既屬樂從，亦未便率事更張，致啓番民疑懼。今據該大臣所奏，自係詳察該處確實情形，分別定議，應如所奏辦理。奉旨依議。按罰服幅牛，而西番實未奉行要之，殺人不抵命，則蒙番均也。

西番罰服之例，照被殺之身分，以爲賠償之差。重者償百金，輕者半之。折交茶包之類外，給馬一匹，鳥槍一刀，而已。或曰：輕者罰茶八十包，約值銀三百兩；重者罰出經卷一百八帙，約值銀六百兩；最重罰出經卷及他物，值銀千兩以上。其不能償者，由本村之人擔任，甲村之人負乙村之人債務，甲村亦有攤賠之責。

番酋判斷詞訟，兩造皆有訟費，而被告所出爲多。如番酋處斷不公，則自相報復，釀成命案者，往往而是。

番俗聽訟之法，凡盜不招者，令握燒斧，以布裹手封識之，三日而驗其手，腐爛則眞盜，乾

枯則枉，小竊不承招者，則置黑白二石於釜水中，淆以土，令摸之，得白則冤，黑則真，兩造賭誓，無所適從者，則令其親戚代之賭誓，有代者，則爲良民，否則莠，或令擲骰，得點多者直。


西番藏兵於民，弛馬於野，有事或由上徵發，或自相期會，裹糧負槍，烏合鬻集，名曰攢兵，其兵之多寡，量事之大小以爲衡，率統之人，或百戶自爲之，或派百什長爲之，或公舉強幹者爲之，中人家率有馬一匹，鳥槍一枝，其不能備馬匹槍械者，操戈徒行，糧皆自備，行不過百里，相持不逾旬日，而兵解矣，其器械則戈矛刀劍，外鳥槍最多，來福次之，後膛快槍又次之，二十五族大率族有快槍十餘桿，至數十桿，馬則族各數百匹，或至于千匹，番馬皆小，而善走，注山驀澗，輕趨如飛，日出則就草於野，不待驅牽，日曛則各自歸其主，番地無菽馬，惟食草，故雖果腹彭亨，不及內地馬之耐苦持久云。

甲族之人殺乙族之人，乙族出兵以報之，而其出兵也，虛張聲勢，遲迴不前，以待丙族之調停，苟甲族服罪輸財，則兵立罷，卽至決裂交綏，亦不過戮一二人而止，不多殺也，蓋猶有古封建時代之遺風焉。

寺僧亦能軍，其戰鬪較番民尤力，經堂楣間常懸槍械刀劍及古甲冑弓矢戈矛之類，番俗百戶死，則以生平所用兵器輸之寺院，以爲齋醮之酬謝物。

上 卷 記 查 調 樹 玉

歐
治



五十四

玉樹調查記卷下

天水周希武著

宗教

佛教崛起身毒東北流行延於中夏而吐蕃首當其衝故信教最篤玉樹二十五族與吐蕃同種其信教亦相類各族寺院其教派亦不同有紅教有黃教有白教紅教舊教也黃教宗喀巴之所創也白教源流未詳或云出喇嘛德遷紀今著各族寺院教派及番民奉教儀式述宗教記

二十五族男女三萬餘口壯丁不過萬餘而僧徒至九千餘人幾居三分之二蓋番俗家有二男則一男爲僧或一男一女則男子爲僧女子繼產生齒不繁職此之由爲僧則高拱清宴坐享布施爲民則終歲勤苦所得半以供佛由是人益勸爲僧而生人操作之役皆委之婦女婦女過勞則不任生子且因是而女多男少淫佚無度則不適生子故僧徒之多寡與生齒之盛衰成反比例顧番俗虐老獸心其子僧者老有所養其子俗者贅壻於人或挈婦而逃我躬不閱違恤我後於是寧爲不祀之餒鬼不願爲有子之獨夫矣此

信教者所以多也番族百戶亦有爲喇嘛掌教權者或有爲僧徒者或爲喇嘛作干布者
 (代喇嘛管理寺務之人)可以覘西番宗教之勢力矣各族率有寺院數處多者至十餘
 處寺僧多者累百少者數十作寺院表以便觀覽

二十五族寺院表

族 分	寺 名	教 派	喇 嘛	僧	徒	附	記
囊 謙	采 九 寺	白	三 人	一 百 零 五 人			
	幹 達 寺	黃	一 人	六 十 人			
	加 干 寺	白	三 人	四 十 餘 人			
	朶 魯 寺	白	一 人	三 十 人			
	殺 也 寺	白	一 人	二 十 人			
	蘭 舟 寺	白	一 人	七 人			
	初 義 寺	白	二 人	五 十 人			

玉 樹 調 查 記 卷 下

東囊拉羣寺	東囊拉慶寺	幹勃寺	拉浪寺	熱拉寺	葱巴寺	拉慶寺	旦那寺	撻朶寺	改白寺	曲符寺	宗達寺
白	白	白	白	紅		白	白	白		白	紅
一人	一人	一人	一人	一人	一人	一人	一人	一人	一人	一人	三人
四十八	七十八	二十人	十人	二十人	三十人	五十人	六十人	四十人	四十人	十人	六十人
					疑即倉沙寺白教也				疑即改滾寺白教也		

下 卷 記 查 調 樹 玉

宗 教

車裏寺	寧多寺	麥野寺	巴也寺	願且寺	夏午寺	尼牙寺	白日拉羣寺	白日拉慶寺	然覺寺	迭亞寺	由迫魯寺
白	白	白	白	白	白		紅	紅	白	白	紅
一人	一人	二人	一人	一人	一人	一人	一人	一人	一人	一人	一人
八	三十	四十	七十	六十	十五	三十	三十	四十	三十	一百五十	四十
人	人	人	人	人	人	人	人	人	人	人	人
						疑即迭亞寺之誤	或云無喇嘛				當作一百一十人

四

下 卷 記 查 調 樹 玉

迭												扎武三族
達												結古寺
惹尼牙寺	布隆寺	多勿寺	拉午寺	東錯寺	東果寺	班慶寺	圖登寺	湯隴寺	果拉寺	禪姑寺		結古寺
黃	紅	紅	白	紅	白	白	紅	紅	黃	白		紅
四人	無	二人	二人	二人	一人	四人	無	無	一人	四人		三人
三百四十人	二十人	一百人	八十人	二百人	五十人	三百人	一百三十人	一百五十人	二百人	三百人		四百五十人
							在藍達莊東即舊圖所謂圖登貢巴也番謂寺曰官壩即貢巴音轉					

下 卷 記 查 調 樹 玉

固							拉				
察							休				
邦	阿	車	竹	車	蕩	吹	龍	桑	朶	芒	邦
夏	運	魯	巴	福	喀	靈	喜	周	拉	勃	芭
寺	寺	寺	寺	寺	寺	多	寺	寺	寺	寺	寺
紅	白	紅	白	白	白	紅	黃	紅	黃	黃	黃
一	一	二	一	一	一	二	六	無		二	二
人	人	人	人	人	人	人	人	人	人	人	人
三		六	四	五	十	二	八	二	一	一	一
十		十	十	十	五	百	百	十	百	百	百
八		八	八	八	八	人	人	人	二十	三十	六十

宗 教

六

玉樹調査記卷下

				安冲						稱多	
拉扎寺	迺藏寺	郎寢寺	邦貢寺	達吉寺	扎喜寺	改瓊寺	先宗寺	孔雀寺	朶藏寺	東周寺	色爾寺
白	白	紅	黃	紅	白	紅	白	紅	紅	紅	紅
	一人	一人	二人	一人	一人	一人	三人	一人	二人	二人	一人
十人	二十五人	三十人	三百人	五十人	三十人	二十人	五十人	八十人	三十人	二百人	十人
		其僧徒不止此數									

下 卷 記 查 調 樹 玉

宗 教

	喇爾莽										加迭喀桑
朵登寺	郎結載寺	色普寺	色巴寺	革武寺	巴幹寺	寧宗寺	歇武寺	情礎寺	喀耐寺	休瑪寺	竹節寺
黃	白	紅	紅	白	白	白	紅		黃	黃	白
一人	二人	無	一人	一人	一人	二人	一人	一人	一人	一人	一人
一百五十人	五百人	二十人	四十人	五十人	三十人	一百二十人	二百人	五十人	一百八十人	五十人	三百四十人
											其喇嘛百戶兼之

收
發

下卷記查調樹玉 1955年

下 卷 記 查 調 樹 玉

宗 教

				壩中三族		年	巴	作	兒	格吉三族	
日瓦得馬寺	日瓦班馬寺	巴拉寺	龍喀寺	更拉寺	建中寺	年多寺	巴也寺	作慶寺	兒魯寺	扎西拉貨寺	德色提寺
白	白	白	白	白	白	白	黃	白	白	黃	白
				無		一				二	二
五十人	五十人	五十人	八十人	二十人	二十五人	八十人	三十人	五十人	四十人	一百二十人	一百人

五間中供大小佛菩薩像三千尊皆銅鑄鍍以金有護法殿中供韋陀銅像高三丈餘穿軒王逸楚詞注軒樓版也而立自頂至胸在軒上自腹至足在軒下有陰司中立泥塑胡鬼面目猙獰手執蒺藜五爪繩索之類森然欲搏人門楣之間懸古甲冑弓矢刀劍戈矛之屬又有一樓高約五丈許四壁塗以丹雘四面包簷之下有棕色緣一層皆攢木枝截齊而露其端於外者緣上有鍍金銅盤中鑄佛像四面各八枚屋上則金頂輝煌風鐸琅璫（各族寺院經堂建築之制其外表大略同此）由正門入樓下四壁皆供佛像殊苦黑闇唯見昏燈明滅而已中樓有巨物金光燦爛穿軒而上猝不辨其爲何物却出從旁小門登樓至中門朱戶金鎖門匡皆金飾入則欄杆前橫蓋樓寬五間深五間最中五間無樓版環以欄杆有鍍金巨塔自地上出嵌以寶石維以色列塔頂以木作偃月承日狀飾以汞樓下所見金光燦爛者卽塔之下半也塔左右有兩甬亦自地上出色帛層襲如華蓋然番名摩尼甬欄杆後中一間環以木柵上有天井以通光綫窗寮嵌以玻璃芬下承以錦繡（仰而諦視乃御賜袞龍黃緞袍料）中柵有鍍金銅轎一轎柱及楣牙間皆虬龍宛轉承接張牙舞爪中供木

玉樹調査記卷下

雕佛像一金面金袍跌坐轎前有香案案上供張金几銀几金山銀壺銅鑪洋燈爵
疊之類左右有大繡花磁餅各四中插石製花卉及如意貢香之類共值數千金樓
後楣下通懸五色帛織成漢字心經每方二字傍樓後牆以木爲格中一間供古銅
菩薩三十六尊左右各二間供金佛各五百尊樓左右牆閣庀經卷卷龔以色帛上
充棟宇欄杆前中一間有銅製花門蓋以金中門懸大銅鈸一門前及左右有長几
几上置淨水銅盃及鐙鑪百餘枚几前樓版以僧徒朝夕膜拜摩掌之故光明滑溜
履之欲跌其餘僧徒所居穿廊連廡層樓複閣幾於千門萬戶不能名狀云寺有前
清同治十二年西寧辦事大臣錫英所贈匾額曰普濟寺又有御賜小金匾在最閣

處僅辨同治三年數字而已

此據遊拉布寺記錄入稍欠剪裁然亦可
觀西番崇拜宗教及建築物質之大概云

誦經之制僧徒以此跌坐前置長几上陳經卷經卷皆以粗麻紙寫印以色帛爲帙高者
盈四五寸誦時以鼓爲節有提經頭者坐於班首名曰温則皆老僧爲之有糾儀者危坐
班末名曰窮成有司雜務者名曰白板誦經自晨至暮起居皆有定時秩序頗嚴整
白板三歲一易由僧衆公舉與窮成温則共議寺務

番酋管民務寺僧理寺務各不干涉如百戶爲僧時寺務亦得與聞

寺院所得布施金儲爲公款每年派二人管理名曰基哇寺僧朔望令節或以特別原因誦經之時則基哇供給肉米茶酪之類寺僧餘日飯食皆由自備

基哇得以公款營業得息分給僧徒基哇除應得薪金亦有餘潤

寺廚有巨鍋圓徑及丈能容全牛數頭上下竈突以梯特別會食時則有人舁巨甬二至衆僧前一盛酥油一盛米飯僧各出懷中木碗以油和米食之

寺僧皆衣紅色袈裟冠紅帽如牛角形夏時亦有冠白帽似滿清簾帽而無緯上着藍頂花翎者皆着革靴飾以紅

番俗每莊必有塔塔旁堆白石片爲牆石片上刻番文六字箴言(唵嘛呢叭咪吽)飾以五采謂之摩尼石番民富者以出資鑄摩尼爲功德有出至數千金者(番民業鑄摩尼者日得值藏洋半塊或一圓)貧者以轉摩尼爲功德男女老幼每值朔望令節相率繞行摩尼多多益善亦有且拜且轉者老者多手摩尼窠落(銅製圓甬高二寸圓徑三寸中有軸可轉甬旁有耳甬周或嵌寶珠軸樞以蚌殼爲轂蚌殼剉斲則功德完滿)且行

玉 樹 調 查 記 卷 下

且搖且誦關津路口亦必有塔或摩尼石行役之人過者去從塔石陰來從塔石陽不偏行一面亦以爲轉摩尼也每遇邱垤湖泊大石亦必繞行一周以爲公德如覺拉寺東之小山拉休之人慶云錯(番謂湖泊曰錯)中壩之索蚌羊宗(譯言索楚河邊有靈驗之石在中壩得馬族朝午拉山之南)經過者必轉一周年老耆轉摩尼謂可修死路有疾病者轉摩尼謂可祛不祥乃至凶惡負罪之人亦以轉摩尼爲消罪蓋愆之術

番民尤以赴拉薩轉普陀山爲有生莫大之事無論貧富貴賤老幼男女趨之如鶩歲時扶老攜幼緇屬纍纍不絕於道亦有童男童女父母禁不令往而自逃赴拉薩者

寺院多以木爲甬大數抱貫以軸上屬屋宇下屬之地甬上裹以五色紙或野獸皮推之使轉謂之摩尼甬番俗有不爲僧之人男女老幼行止操作誦經未嘗少懈卽凶人暴客亦口中喃喃不已結古歲時有婦女數十輩聚坐中達手捻毛線口誦摩尼梵唄雲潮如出一口漢書食貨志里婦相從夜績各詠其情古今華夷不同而風習何其相類也每村有淨室一所雖不及寺院弘敞而較民居爲潔謂之摩尼室中有僧一二人守之凡非僧徒而願聚誦經典者歲時集於其中男女老穉百十爲羣所誦皆淺近經典二日一食不


言不笑謂之抓捏耐此亦中國古來閩左設塾之風乎

番僧往往穴巖枯坐有數十年不下山者番民最崇拜之一舉一動輒往問休咎焉問疾則賜丸藥少許問事以數珠算之無所問卽官長往見亦不爲禮

番地出知母貝母冬蟲草華商多貨焉以故採掘者多番酋不便也或值癘疫牛羊物故者多輒云據高僧推算因掘藥斷地脈之故其迷信多類此

下 卷 記 查 調 樹 玉

宗
教



十六

風俗

玉樹社會之程度其猶在遊牧耕稼之間乎其生活甚低其族制未固而迷信宗教乃最篤觀於宗教則西番風俗思過半矣今以關於宗教者稍繁自爲一部著其餘爲風俗記番俗無男女之別女多無夫人盡夫也男多無妻人盡妻也其婚姻之組合甚易男女相悅卽爲夫婦稍一反目卽琵琶別抱掉首無情男子亦不問也然亦有行結婚儀式者不數見也有居結古十年之老翁言僅見行婚禮者二次定婚由男女自主納幣以牛馬不親迎遣他人迎之女家亦有數人送至男家亦無交拜儀式所最異者夫婦不同室而寢若同寢則以爲大忌其交媾皆竊爲之

兄弟往往同妻女子能調和衆男俾無嫌隙則鄉里謂爲宜其室家矣

無夫之女披髮於肩有夫則辮髮以示別

西番女子多而男子少故一切勞苦操作之役皆女子職之內地委員兵弁至番番會派人供役名曰湯役多用女子充當汲水執爨耐苦過於男子然多淫佚無恥云

親老病則輸財物寺院請僧齋醮死則請僧臨尸誦經訖僧取死者腦蓋盛一小箱中皮

玉 樹 調 查 記 卷 下

之寺乃裸尸以繩縛手足覆以布單雇人負至山麓子孫不往送麓有豎木繫尸頸焉僧徒乃環而誦經時則鶻鳥雲集攢食屍肉並骨咽之俟食盡僧徒乃散鳥或不食食或不盡則以爲不祥仍誦經以刀裂肉喂鳥必食盡乃止以爲此天葬也噫野蠻之慘無人理一至此哉

喇嘛死則火之以灰和饅巴及各種藥物爲丸投大水充魚腹以爲水火兼葬也僧徒死或火葬或天葬聽喇嘛指揮

俗人非富者不火葬以火葬需費多故也

番人承襲產業之制不重血統無子或子爲僧則以女繼之或贅婿生子或私生子皆以爲孫無男孫或男孫爲僧女孫亦可繼嗣復贅婿或私生子聽其自便以至無窮焉

女兄弟之子視猶子也亦可承繼產業無子女及甥則以產業輸之寺院

番人最重報仇命案雖經罰服而子孫報復相尋數世不休苟得剗刃仇人雖俱糜亦甘否則鄉里不齒惟兩怨之家因朝藏拜佛而相遇於拉薩行握手禮則仇隙俱泯詐虞兩忘蓋以朝藏爲不世之事因朝藏而相遇乃不世之緣也

甲村之人殺乙村之人乙村皆有報仇之義務

男女終歲不沐浴不櫛髮蓬首垢面猶惡可畏女子又有面塗酥油及牛血者男女皆不着袴但服圓領皮袍要束紅帶而垂其襟以承物

富者裏有褻衣外有罩袍如華服而寬大貧者無之

男子及壯皆腰刀刀皆直形長二尺許寬寸一二分柄鞘有飾銀及鍍金者鞘末多嵌色石刀貴者值至數百金非見官長不脫刀又佩小刀一把食時用之又嘗佩燧及鼻煙袋西番婦女不操針帶男子多腰小包藏針補綻時則捻羊毛以爲線

帽圓頂鬘積而卷其緣約三寸許緣以狐皮寒則下之帽多紅色故俗謂之紅帽國靴多用革飾以紅跣足着之

男子許爲僧者幼卽髡首俗人多蓬首亦有辮者詢之老人云番故屬蒙古時皆蓬首自清朝收撫後始有辮者

婦女有戴蠟珀及珊瑚者辮則貫以蚌殼及色石

僧俗懷中均佩雕刻佛像云可以辟惡

玉樹調查記卷下

食品以饅巴爲主時佐以牛羊饅巴以酥油及茶下之烹肉不甚熟亦無鹽梅亦有不火食者忌炒食云炒則腥味招魔飲茶雜以牛乳和鹹少許牛乳菁華謂之酥油其渣滓謂之曲拉番多下茶食之

番地確而田少青稞亦不易得貧民多食牛羊肉及曲拉時掘脚麻食之亦有種蔓菁而食其根者葉以飼畜

客來則進木匣一中區爲二一盛饅巴一盛曲拉上覆以酥油奉茶請客隨意和食接迎官長則以圓漆盒盛饅巴上覆酥油少許食時各有碗及刀不相亂也無箸以手搏之碗多用樺木及葡萄根爲之富者包以銀

西番有廬居者有插帳者室廬多據山麓番地林少木艱以牛自他處運木至者皆短小故規模狹隘結構蟲惡多樓居有四層者牆壁皆用天然石版磬砌鑿壁以受天陽屋宇皆平無瓦有漏以出煙屋頂四周皆有短垣若堞牆然蓋西番無城郭堡寨有事則據屋而守頗不易攻

屋上以木爲井幹懸五色絹印番文名摩尼達雀

屋內無牀席地而臥以木爲欄有茵無被寢則解帶擁袍而臥富者多鋪藏織絨毯或以氈氍裏麝毛爲墊貧者但用羊毛氈而已竈突多在臥室中

插帳多就地勢避風水草豐美處帳用牛毛所織毯爲之撐以木格維以皮繩方形若覆斗然大者寬廣至三丈帳外四周堆牛糞或石爲短垣以閑牛羊馬匹中帳爲竈出灰處爲主人臥所添薪處爲廝養臥所帳脚排列牛羊渾脫中儲食物門右堆糞爲小圈以藏牛犢羊羔帳外有犬三四以警不虞西番生活程度最低而帳居較廬居尤苦惡食惡衣與牛羊同寢處鵠面鳩形無生人趣每當陰風怒號則帳房擺簸欲拔糞土飛揚眯目穢口此內地人所不能一日居者然番族則習而安之不知爲苦云

番人行役不攜臥具以馬鞍爲枕馬屨爲褥故番俗男子鞍馬婦女不得乘之

番人繇役貿易驅策牛隻男子率乘馬女子皆徒行至水濱女子褰裳徑涉男子終不與馬令騎也雖天寒時亦然

番人見官長以粗絹色緹爲贊名曰哈達亦無跪拜禮但鞠躬吐舌而已

番社演劇有扮龍虎獅象者有被古甲冑挾弓矢刀劍者有着黃馬褂藍頂花翎如滿清

五 樹 調 查 記 卷 下

大員者或曰此年羹堯也蓋清初年大將軍之威頗震於西番云其樂器有鼓有鑼有鈸
如平簾帽對敲其聲勃勃然有喇叭長者至丈二人舁之乃舉社劇皆寺僧爲之亦有驅除癘鬼之劇

束草和麵爲人投之水中埋死馬頭尾鳴槍誦經以禳之

番俗每值令節則有童男女數輩衣鮮衣至內地委員寓所列爲一行投足而歌提頓馬
鈴以爲節奏曲折周旋似內地之舞伶所唱之歌乃習聞內地之曲調肖其聲而不知其
意間有失誤之處則以番音足成之亦有夫婦二人擊其手鳴胡琴參立而歌番曲者嘔
啞嘲哂更難爲聽矣

番童戲博有彈骨擲骨皆羊膝下街結骨踢毬射覆等類又有象碁陽刻漢文陰刻番文

番無尺度量布隨副之寬狹折角等方爲一方量以內地十斤爲一升衡以二十四兩爲
斤計數以念珠爲算具

以木煙爲墨和水盛小壺削竹爲筆

番有醫計多用灸有巫有歷即循內地所頒布者上具漢番文有干支八卦有屬相亦信堪

輿蓋皆傳自內地者也

番民許神牛羊名曰才保不翦毛不殺聽其自死漢人購食牛羊番若不願輒藉口才保以拒之蓋番殺牛羊不以刀以繩箝其口閉氣令死然後宰割見漢人刃殺流血以爲殘忍故多不願售也

下 卷 記 查 調 樹 玉

風
俗



二
十
四

實業

玉樹各族之地西北一帶荒寒廣漠積雪千里其民皆以游牧爲業插帳而居歲時遷徙無定東南各族地勢較低高山深谷蔽風蓄熱雖土質碇确而陽坡奧灣往往可田其民耕牧相雜結廬而居有土著之風焉統觀各族生活程度蓋由游牧社會進而爲耕稼社會之時也其於工商實業蓋甚窳陋無可道然其相資相待之制又有不得而略者述實業記而以物產附焉

漁業 番人迷信宗教忌食魚然通天河流域每當春水泮渙之時鯊鯉極多有長二尺圍徑三四寸者土人輒漁而售之客客少則無漁者蓋不視爲生業也其取魚罕用鈎網或以石擊之或以木刺之蓋番地漁者甚罕故魚亦忘機而易得也

獵業 番地多野牲而鹿茸麝香獐狍熊虎狐皮之價值亦高故從事獵業者甚多其具多用鳥槍槍皆有揆用以瞄準番人視覺亦甚敏能於數百步外別草間伏兔之動耳者番酋往往封斷山林禁部民採取

礦業 娘磋濱河之區多產沙金土著及客戶欲往採者皆須納賄於娘磋百戶其淘揀

之法亦甚拙陋一夫竭日之力所得或不能一飽扎武產鉛及雄黃蘇爾莽格格吉中壩一帶皆產煤格吉雜曲河濱產翠玉石又往往爲番酋封禁不得採取謂其鑿地脈也

畜牧 番族十九皆從事畜牧家有牛羊馬匹而牛最多羊次之馬又次之問人之富數畜以對桐乳以爲酪綴皮捻毛以爲衣又斥其餘以易所無牛有耕牛食牛之別食牛謂之羸牛耕牛亦可運載豐毛大尾銳角高蹄日行五六十里所謂羸牛者是也牛一頭值銀七八兩羊有白黑二種白者一頭值銀八九錢黑者一頭值銀五六錢馬上者值百金以上次者五十金以上又次者二十金以上然皆小其上駟僅當內地之下駟云

森林 番地風高氣寒地多斥鹵植物鮮少童山荒谷所在皆是古人所謂鐵圍者是也囊謙蘇爾莽地間有森林皆天然松柏可供建築番人不務種樹亦謂有礙風水噫番族百務皆劣於內地獨迷信堪輿家言步武恐後何其儻也

稼穡 田多沙礫掘地數尺皆然糞田以馬矢犁田之法以橫木縛於兩牛之角中屬長木引犁知用頭力而不知用肩力番人之愚如此歲二月晦三月朔爲播種青稞之時五月草生始耘八九月收穫四五月種蔓菁農事亟則寺僧多請假歸家協力南畝亦猶內

地村塾之忙假也

地獨宜青稞唯拉布寺附近有種麥者今列可田之區如左

通天河流域 自協曲水口以下沿河兩岸及固察稱多拉布歇武義曲結古曲諸水濱皆有田

以上可田之區除供本地各族食糧外其加迭喀桑娘磋玉樹各族食糧均仰給於此其交易以牛羊皮毛酥油

子曲河流域 自吹靈多多寺以下始有田姜雲藥曲曹曲等水濱皆有田

雜曲河流域 自覺拉寺以下始有田以強喜雲爲最多地稍腴

巴兒曲河流域 無田

鄂穆曲河流域 自村沙百長屬地以下始有田

以上可田之區除供本地各族食糧外其中壩格吉各族食糧均仰給於此

西番量地無畝數以播種之多寡爲差大率上地下種一斗收穫十倍中地七八倍下地四五倍 耕種地段歲易其處有一易者有再易者猶古轅田之制也

附玉樹寒暑比較表

測地(結古)器(攝氏表)

月 別	溫 度			雨 雪 變 化
	早	均 午	晚	
正 月	零下六度	十三度	零下三度	零下十九度
二 月	零下三度	十五度	三 度	零下十四度
三 月	五 度	十六度	八 度	零下五度
四 月	五 度	十八度	九 度	零下六度
五 月	八 度	十九度	十四度	零 度
六 月	十五度	二十三度	十九度	四 度
七 月				
八 月				
九 月				以上三月在途未測
十 月	零下七度	十四度	零下三度	零下十五度

十一月	零下十二度	十二度	零下六度	零下二十六度
十二月	零下九度	九度	零下五度	零下二十六度

按玉樹地雖高而緯度偏南若非風雪變化當較蘭州爲暖

工業 有木工鐵工皮工擗埴之工設色之工縫衣之工多川邊客民爲之土人能織毛爲麴然甚麤

商業 番族生活甚低交通不便居民往往以實物相交易結古爲玉樹二十五族走集之地然商賈多川邊客番及川陝甘漢人土人經商者甚少各族亦無常設市場其交易也約有一定之時間地點略如內地鄉鎮之集會焉今採各族商人會集地點時間列表如左

番商會集時間地點表

時 間	族分地點
舊歷正月十二日至十五日	扎武新寨 竹節喀耐寺 迭達莊 覺拉寺

下 卷 記 查 調 樹 玉

實 業

二月十二至十五日	拉布寺 惹尼牙寺
三月二十八至二十九日	結古寺 歇武寺 朶藏寺
四月初七至初十日	稱多東周寺
四月十八至十九日	竹節青錯寺
四月二十八至廿九日	竹節寺
五月初七至初八日	拉布寺
五月十四至十五日	禪姑寺
七月二十七至二十八日	隴喜寺
八月九月	結古大市
十月初七至初十日	班慶寺
十一月十五日	朶藏寺
十二月十三至十五日	新寨

三十

玉樹貨幣均用藏圓藏圓乃印度所用英幣展轉流布於二十五族者每圓合內地銀三

錢一分二釐五毫別無輔幣即以藏圓二分一三分一四分一等小角爲畸零之用重價

以銀若干秤（一秤五十兩）計算合藏洋一百六十圓亦有成都所鑄之幣重如之

零星貿易計算物價不以實物之單位爲準而以貨幣之單位爲準如云藏洋一圓買桑

皮紙八章而不云每章值銀若干蓋因無輔幣不便計算故也

每金一兩兌藏洋一百圓

借銀一秤月息二圓或三圓契約或有或無此漢商在番之規例也番民有借青稞一升

來歲以三升償之者

結古諸物昂貴惟自藏運來之印度貨反賤於內地可以知英商之勢力矣

物產絕少植物僅有松柏動物有馬牛羊騾驢犬貓野畜則有狼狐鹿麝獐豺沙狐馬鹿

黃羊青羊馬雞野馬野牛兔羽族止有鴿烏雀鴿水族僅有鯨鯉而已

商貨輸入品有自西藏來者曰

氍毹 藏紅花 錠 阿味 磅砂 鹿茸 麝香 茜草 野牲皮_生 羊皮_生

羔皮生 藏糖 礪砂 樺木碗 藏棗 乳香 藏香 雪蓮 蠟珀 珊瑚 銅

鐵絲 銅鐵板及條 銅鍋 銅壺 顏料 藥材 小刀 鹹灰自三十九族來者 洋線 魚油

茶以和 桑皮紙 經典 洋磁器菜盒鍋碗鐘杓之類皆自印度轉來 洋斜布 洋緞 洋線

蠟紙煙以上六件皆印度貨 幘子皮 絨絨布 坎布以上三件皆俄貨

有自川邊打箭爐來者曰

茶多至十餘萬畝數運銷西藏 洋布 綢緞 紙類 生絲類 哈達類白色粗絹香用為贗見物 醬菜

海菜 糖 磁器 白米 熟牛皮 紙煙 孔雀石出陝西

有自甘肅西寧洮州來者曰

銅鐵鍋 銅火盆 鍋撐 白米 麥麪 大布 掛麪 葡萄 棗 柿餅 粉條

磁碗

其特別輸出土產曰

鹿茸各族皆有玉樹 麝香各族皆有 冬蟲草扎武蘇爾莽靈謙格吉產則為 大黃

知母扎武蘇爾莽格 貝母同上 野牲皮各族皆產虎豹熊狼鹿狐皆有 羊

毛 金 出岷嶓皆沙金也○色航寺附近出金礦探者多
固察安冲之人每礦丁一名歲納地租金一分

其未經採取物產曰

鉛 產武 雄黃 產扎武 翠玉石 產格吉雜
曲河濱 煤 產蘇爾莽格
吉中壩一帶 石膏 車前子

其僅供土人所用之產曰

鹽 有紅白二種產蘇
謙蘇魯克格吉 野蒜 即辛

按結古過載貨以茶為大宗茶產四川故雅州府六屬 俗名窮八
站地方 銷售西藏及海南各番

族販茶者多係川番夥爾族人 番中通稱夥爾巴又稱夥爾喀
之五為奄夥爾喀奄譯言夥爾喀奄按番謂地方曰喀謂數

僕甘改白利城
壩標等處地方 其資本皆出自番寺 番寺財產由喇嘛推擇所信之人管理每三年或二
年一易名曰會首會首得以財作資本營業所得花

息除分給寺僧外餘以自贍唯不得虧本虧本
則籍沒其家財以為價川邊海南番寺皆然 茶至鑪城始認官課共十萬零八千引每

引五包 每包四錠
每錠五斤 納課銀一兩二錢五分稅銀每包三錢由鑪起運每六包為一駄 二錠
四錠

以生牛皮分
為二大包 每駄價銀及包皮費約共十二兩上下雇牛運至結古每駄脚銀及沿途稅

銀約共六兩上下由結古雇牛運至拉薩每駄脚銀四兩至五兩每值換脚之地每駄須

給該地頭人銀約二分上下並督運人旅費計之每駄鑪茶運至拉薩成本共值銀二十

五兩上下售藏銀八十兩至百兩不等合華銀五十餘兩至七十餘兩一藏銀成色不足每兩五錢準華銀

一是獲息在倍稱以上總計十萬零八千引共九萬馱據結古商人稱每年運往拉薩者

約在五萬馱以上是多半銷於西藏而少半銷於川邊及海南各番族也以五萬馱計之

共值本銀一百二十五萬兩獲息當在一百三十萬以上而回運藏貨其利更不資矣是

茶乃川邊之一大利源而西藏所不能不仰給於內地者也昌都本由鑪赴藏之大道茶

商以山路峻險又艱於雇牛故取道結古以期省便是結古為茶商必由之路明矣茶自

鑪城起運後除甘孜鄧柯兩縣略徵稅銀外每八馱收銀三錢兩縣皆然一至玉樹通行無阻唯扎武

等百戶每百馱收藏銀四圓而已即上所謂換脚之地給頭人銀也將來如有經略玉樹者籌款之策此

其大宗已

掌故

番文皆經典罕歷史自來番案本末具詳西寧檔冊以保存無法多放佚不完長老所傳皆近世以來之事著其略可道者爲掌故記

同治元年循化南番拉卜楞遣兵至玉樹脅令各土司屬已諸小弱土司皆聽命兵至囊謙囊謙抗之互有殺傷已而內地花門變起拉卜楞乃斂兵還

光緒十六年川邊土司德爾格赴藏往來皆取道囊謙強索供應囊謙訴於西寧轉奏中
央飭川甘派員查辦令德爾格與囊謙償所費銀事乃已並飭各守界址不得越境滋事
中壩班馬前百戶死無嗣麥馬百戶以其子繼嗣意欲並有班馬之地班馬根納寺喇嘛
不願也旋麥馬百戶家人八口相繼死所立繼嗣班馬之子亦死議者皆以爲根納寺喇
嘛所咒也麥馬百戶訴於囊謙千戶因無實據未便根究而班馬族人既不願屬麥馬乃
令洞巴百戶暫管班馬之民麥馬百戶訟不得直遂伺根納寺喇嘛過迭亞寺時挾其雙
眸子喇嘛負痛逃匿得馬族地方根納寺既失喇嘛寺僧遂散由此班馬得馬時與麥馬
衝突云

囊謙北赴結古拉休爲必經之路而拉休於千戶過境時不支烏拉初拉休百戶有妹美丰姿有爲千戶作合者拉休百戶頗浹願已而千戶竟他娶焉拉休百戶之妹恚而爲尼又囊謙千戶事務多由清博洞巴兩百戶主持而清博百戶所屬顧強雲之地拉休百戶謂原係己屬爭執莫決由是拉休與囊謙有隙

禪姑寺本白教而寺僧乃扎武三族及迭達拉休各族之人性質複雜故屢生枝節不似結古寺僧之單純云數年前扎武與迭達構釁結古寺一僧童被迭達戕殺結古寺僧大起公憤謂爾與百戶構兵於寺僧何與而殺之乎迭達辭屈乃像所殺童子鑄金人一納結古寺以平實則銅鑄而鎔以金者也現存結古寺而兩族宿憾至今未釋

拉休百戶謂吹靈多多寺爲所屬之百長而吹靈多多百長以伊昔本獨立後拉休百戶恃強陵弱向伊強收差貢伊無力抵抗姑與羈縻勿絕云考舊志吹靈多多百長本獨立與拉休又未毗連中隔蘇爾莽族云

番俗甲族逃降乙族甲族不得詰問否則乙族全體抵抗以爲侮己也前扎武富民有以刀擊傷人者番例傷人者須交凶器於百戶富民之刀寶刀也後以他刀易之又有貧民

借佩他人刀以爭忿擊傷人者百戶收其刀貧民請援富民例以他刀易之百戶不許貧民悲以爲富則已有之刀可以他刀易貧則借人之刀亦不許易遂伏路旁大石後伺所傷人過以鳥槍斃之挈家逃降喀賴百長扎武百戶無如何也

凡寄居他族者對於本族仍有納稅服役之義務

甲乙百戶有互換族民之事前拉休民有在扎武爲鐵工者扎武族民亦有在拉休插帳者兩方議易其民拉休百戶以鐵工出息較平民爲多扎武乃納銀五十圓於拉休乃得易焉

番地搶案多而竊案少其行搶者多係曠野游牧之人所搶掠者多係馬牛羊之類盜夥多至數十人出人不意搶牛羊馬匹而去驅至曠野放牧少人不敢追多人追之則拔帳驅畜遠去所以娘磋玉樹格吉及扎武屬之哈秀節綜咱曲喀娃之阿滅六瓦強盜最多喀耐百長原屬永夏歇武百長原屬竹節近均以距該管百戶遼遠漸不受節制云

稱多固察娘磋迭達安冲拉布各族均有川番雜居而稱多拉布最多皆諧竄刁狡不受稱多等百戶之節制云

稱多百戶昂朶乃前百戶之甥前百戶在時無子許以昂朶嗣百戶職故兩遣赴西寧見欽差焉欽差償給頂戴前百戶有幼女擬長而妻昂朶昂朶漸壯有外遇前百戶不悅昂朶恐前百戶將別贅壻而已不得嗣職也遂請析產分居百戶不許益不悅昂朶於是甥舅嫌隙日深昂朶性狡而勇悍善鬪先是迭達百戶柴朶拉梭與稱多爭地構兵屢敗遂誘致昂朶而說之曰汝舅意已別屬汝尙爲力戰乎昂朶惑之遂與迭達連合倒戈攻其舅稱多百戶就近訴於川邊色秀委員色秀派兵逮捕迭達百戶及昂朶二人逃匿揚言赴藏川兵遂焚掠迭達百戶之家迭達百戶富於賞藏蠟甚多現各族行使藏圓面有黑班者皆焚掠後出現者也並攻改瑣寺以昂朶曾住此寺也未幾川兵歸昂朶遂潛至稱多刺殺百戶百戶酗於酒醉輒操兵器逞狂家人畏之時其飲酒則藏兵器於他處被刺之前一夕百戶醉焉故盜來無以禦也昂朶既殺其舅遂與迭達百戶實逃於藏川兵復至稱多索凶手於囊謙千戶千戶遂據情訴於西寧西寧轉奏中央飭川邊邊務大臣趙爾豐查辦趙以色秀委員辦理不善反滋事端斬二人於稱多此前清宣統二年事也宣統三年七月西寧派管帶侯某前往結古查辦此案二逃人未歸無從着手民國元年侯歸至大河壩卒

初娘磋百戶布磋有子曰濟美秋加為人懦弱濟美秋加同母異父兄曰山珍汪加狡而

悍兄弟不相能也濟美秋加乃率番民三百戶寄牧哈秀百長地以避之居九年布磋死

濟美秋加將歸嗣百戶而山珍汪加殺濟美秋加之弟自稱百戶濟美秋加不敢歸乃率

五十餘戶逃居歇武百長地餘民皆為山珍汪加所有宣統三年侯管帶至結古濟美秋

加因訴其枉侯管帶派兵攝山珍汪加至結古將以濟美秋加為百戶而舌人用事雙方

索賄賄足乃縱山珍汪加歸濟美秋加仍還歇武民國三年馬彥虎以兵納濟美秋加於

娘磋山珍汪加逃匿終不得其要領而還娘磋色航寺附近故產金以是娘磋百戶富甲

二十五族濟美秋加自其父布磋在時有金千兩銀四千兩他物稱是逃居歇武時不及

攜帶由其姪色航寺僧藏巴普磋暫為代管民國三年夏普磋死財產皆為山珍汪加所

有初娘磋百戶已為果洛番所殺班阿子普磋時為僧衆推為百戶初東期之妻曰索耶折

馬生子曰山珍汪加至是普磋復妻索朗折馬生二男曰濟美秋加曰德慶汪加又生二

女曰馬卓瑪稱多百戶昂桑曰扎棟妻修馬百長東桑之長子固察之與娘磋攜兵也

數以百戶統之說為問於山珍汪加牧焉居九年普磋死山珍汪加以色航寺僧之授遂入為百

掌 故

玉樹調查記卷下

扎武屬哈秀節綜兩百長原皆獨立在義曲河上游與扎武地隔絕中隔迭達與玉樹娘磋昆連初濟美秋加之寄居哈秀也有民三百戶及其逃居歇武也倉卒止與五十戶偕餘民在哈秀者皆爲山珍汪加所有並哈秀屬民百餘戶裹脅而去扎武百戶未敢問也民國三年哈秀餘民四十餘戶將全數拔帳往投娘磋節綜族人報知扎武百戶是時馬彥虎在結古任戶請馬派弁率番兵數十人往遮之至則哈秀餘民已全數嚴裝待發矣去弁遂全數督驅擬至結古問罪行至科雲哈秀民皆叩首服罪願從此永爲扎武百姓請附近寺僧保任始放令回部

民國三年川邊經略使尹昌衡委員至囊謙（川名隆慶）脅令投誠千百戶以故屬西寧非同化外何言投誠然畏其逼姑應之而遣人訴於西寧西寧據情轉電中央時川邊已得請於中央准隆慶歸川管理矣蓋川邊指隆慶爲甌脫亦不言隆慶卽玉樹二十五族之囊謙千戶朦混呈請故中央不知而從之而西寧之電但云玉樹不願歸川又但云囊謙不曰隆慶中央誤以爲二遂電令玉樹歸甘隆慶歸川飭由川甘兩省派員畫界時川派石渠縣知事某而西寧已先以番請不休派管帶某率弁兵二十人至結古

時民國二年冬也彼此以口角起釁遂致大起衝突十二月川兵由石渠來攻寧兵七人及扎武兵數十人禦之新寨互有傷亡無何川兵退放掠雜西科一帶民國三年二月川邊第十一營營長某率兵突占稱多之朶唵莊莊民驚逃四散川兵縛笞莊民勒索供應稱多人怒攢兵抗之不勝死二人稱多民益紛竄川兵乃大縱焚掠番民財產蕩然一空初稱多百戶昂朶以舊案未結常匿不出其弟爲改瑣寺僧懼求援於西寧兵西寧兵十二人由通稱多百戶不得意改瑣寺庇之將攻改瑣寺寺僧懼求援於西寧兵西寧兵十二人由通天河西赴援至則川兵已焚寺屋數所寺僧逃盡西寧兵出不意猛撲之川兵懼奔回朶唵莊所掠財物大半遺棄西寧兵折回結古已稱多民又苦川軍苛暴請救於西寧兵西寧兵十二人率番兵三十餘人由拉布寺踰山逐之時川兵及色秀番兵共百餘人在山半安卡禦之舊五月十四日兩方開礮自晨相持至午後西寧兵奪據川卡川兵死傷數人西寧兵一什長中槍斃又一人腿中傷坐不能起時川援兵大至西寧兵彈盡引退中傷者倉猝不能偕退遂盡發所攜彈頓槍於石壤之徐拔佩刀自剄川兵至皆歎其壯遂斷什長及自剄者頭倒懸其尸多日川兵揚言分數路攻擊結古閏五月十五日某管帶

奉嚴檄回寧時川邊委員李某亦奉檄撤回改委同普縣知事李銘爲隆玉界劃委員甘肅派邊關道尹忠武軍統領周務學爲玉樹勘界大員以三年冬抵結古派隨員某某等四出調查訖遂具呈玉樹二十五族囊謙千戶爲之長隆慶卽囊謙之轉音玉樹本二十五族中之一部相沿既久以專名爲公名正猶隴名之名甘肅也並言玉樹不可歸川之情形呈由甘肅將軍巡按使張轉詳中央民國四年五月初九日奉

大總統令玉樹向歸甘肅西寧管理近因川邊多事遂生爭執着仍歸甘肅西寧管理川邊不得再行干涉所有該族千百戶應得號紙應查具名數呈由蒙藏事務局請發並宣諭喇嘛尊崇黃教以副綏輯邊氓之意等因奉此自此玉樹二十五族歸甘肅西寧管理

考證

玉樹各族之棲息於海南也諒匪伊朝夕乃入前清而後著於圖志何哉諸家所載又人異辭其稱名也互歧其為數也屢遷是以隴蜀爭執踰年而不能決余至結古訪問長老參以圖志然後知其異同分合之故述考證記

衛藏通志卷十五載

西寧管轄四十族住牧地界

阿里克族

共十一族屬下番人九百一十九戶 東至多爾宗察漢諾門罕 南至納克溪色特爾布木 西至厄林湯奈 北至阿爾坦達賴呼圖克圖

按阿里克原駐可可烏蘇與白佛（即察漢諾門罕）同司黃河渡口後因道光初

年南番之亂移駐大通河北由西寧直接管理

蒙古爾津族

雍希葉布族

三族屬下番人五百一十一戶 東至敦魯木格爾則 南至斜烏（即扎武）稱多 西至查庫哈扎海甲木達（即焮

達）北至殿通

按蒙古爾津後來分出竹節族近又分出白力登馬族雍希葉布一作永沙普今稱

永夏

考 證

四十四

玉樹族

屬下番人五百零四戶 東至哈拉果爾地方牙木錯 南至波羅諾爾白利 西至多册地方格爾齊(即格格吉)北至圖爾哈圖

按玉樹後分爲四族曰戎摸曰將賽曰總舉曰鴉拉而戎摸近又分出日娃娃族玉樹

一作由受一作一繫

噶爾布族

蘇魯克族 二族屬下番人一百三十二戶 東至阿拉麻納 南至麥冲噶隆木 西至恰克班 北至雅木納

按西寧府志噶爾布族住牧玉樹界內途胡爾托羅海地方與此異今不可考

尼雅木錯族

屬下番人二百八十八戶 東至都格東納蒙古爾津 南至墨索剛 郭地方谷咱(即固察)西至果哩噶巴白利喇嗎北至哈喇慕爾圖玉樹

按尼雅木錯一作年錯今稱娘磋

固察族

屬下番人一百七十五戶 東至克拉地方稱多 南至隴拉地 方隆布 西至木魯烏蘇河 北至莫索克更固地方牙木錯

稱多族

屬下番人三百七十四戶 東至毛瓦克地方 北至蒙古津 南至准布 隆達克達烏(即扎武) 西至京崖地方 北至莫索克雅木錯

洞巴族

屬下番人八十戶 東至厄牙克地方 北至喇木勺地 方楚林 西至多梯地方阿拉克碩達烏 科爾 南至拉几木道達烏

按洞巴後附屬囊謙在千戶前辦事

多倫厄托克安圖族

阿薩克族

克列王族

克阿永族

克葉爾濟族

克拉爾

濟族

克典巴族

七族屬下番人共四百零八戶 東至木魯烏蘇河沿尼牙木錯 地方達烏 西至賽玉綠波爾玉樹 北至舒克提的尼牙木錯

按多倫厄托克云者役屬蒙古時之名也七族今并為安冲一族安冲即安圖也一作南兔阿薩克等六族各有百長一名而安圖有百戶一名百長一名似收撫之初安圖已有統一六族之勢特舊志詳列其名以為七族今則統稱為安冲一族耳其細部仍如故也

隆布族

上隆布族

二族屬下番人三百零一戶東至受地方蒙古爾津按受字上下當有脫字南至波羅克阿拉克頤西至庫爾拉地方白利北

至北古甫地方稱多

按隆布二族今合為迭達一族迭達本隆布所屬之百長後殺隆布百戶而奪其職遂以迭達名其族焉今迭達所屬之三百長中有龍媒百長豈故隆布百戶之後歟

扎武族

上扎武族

下扎武族

扎武班右族

四族屬下番人共六百二十一戶東至卓木楚地方冬巴南至熊拉

地方阿拉克頤西至白的地方龍布北至洮臘地方得爾吉

按今扎武三族曰扎武曰拉達曰布慶班右據西寧府志當作班石為是胡文忠一

統輿圖作班詩今又稱節綜附屬扎武

上阿拉克碩族

屬下番人一百三十三戶

東至阿爾拉地方格爾吉南至力地方

樹方玉

據西寧府志上阿拉克碩族之下有下阿拉克碩族此係脫漏以四十族之數計之亦缺一族其為脫漏無疑二族今并為一曰拉休

上隆壩族

下隆壩族

二族屬下番人三百零三戶

西至巴烏

蘇木

多地方

剛魯

北至

薩木

格

南至

郭

族

稱

地方

受地

方

南

爾吉族

按隆壩今稱中壩上隆壩即今中壩麥馬族也下隆壩即今中壩得馬族也後麥馬族又分三班馬族

蘇爾莽族

屬下番人三百五十戶

納噶爾米格魯

西至岳

爾

東至拉

尼

地方

南

喇

克

溜

北至

楞

達

地方

阿

拉

克

碩

爾

疑洞之誤

巴

南

至

白利族

屬下番人五十戶

屬下番人五十五戶

西至哈

拉

東至

布

木

地

方

尼

牙

北

至

力

拉

彥

南

至

哈

樹

按白利百長屬民距今若干年前(番民稱已數世矣)投迭娃雲(即藏)此據玉樹

總舉頭人之言

哈爾受族

屬下番人三十戶

屬下番人三十戶

東至

噶

祕

革

祕

隆

布

南

至

阿

族

(二字疑衍)

北

至

力

木

親

界

按哈爾受今稱哈秀附屬扎武

登坡格爾吉族 下格爾吉族 格爾吉族 三族屬下番人共八百十三戶 地方東至克

西至阿喇坦寧地方 南至拉拉克布地方 南樹

按格吉三族即今格吉麥馬班馬得馬族也近得馬族又分出拉錯族

巴彥南稱族 南稱桑巴爾族 南稱隆冬族 南稱卓達爾族 四族屬下番人二千

爾厄蘇爾莽界 南至客木達察木多界 西至達尼爾蘇爾魯隆奉巴 北至甫卡山梁阿拉克頓

按南稱即囊謙之轉音桑巴爾以下三族其名皆不可考今囊謙千戶所屬四百戶

除洞巴原自為一族後附屬囊謙外其餘清博阿夏加薩三百戶云自收撫之初即

屬囊謙桑巴爾等雖各自為族而皆冠以南稱之名疑即清博等三百戶矣桑巴爾

一作桑色爾卓達爾一作綽火爾

吹冷多拉族 屬下番人三十戶 地方東至拉木力界 南至爾星 西至多楚地方 北至多格木多地方

按吹冷多拉族即今吹靈多多寺百長附屬拉休

巴彥南稱界內住牧喇嘛 屬下番人五十戶

按此即西寧府志所謂南稱邊界喇嘛覺巴拉族於差官會盟之時聽差送文免其

納馬者今之覺拉寺是也而所司廢弛已久

拉布庫克住牧喇嘛

屬下番人
二十四戶

按此卽西寧府志所謂喇嘛拉布族在木魯烏蘇河邊承當濟渡之差免其納馬者
今之拉布寺是也後以距渡口稍遠司渡之事遂由扎武藍達百長經理

以上四十族共八千四百四十三戶

餘見政治門

西寧府志塞外貢馬番族

玉樹等處番人三十八族 共八千三百零四戶

住牧東提地方阿里克族郡城南七百餘里(郡城謂西寧城)百戶二名百長九名番
人九百一十九戶

住牧扎苦地方雍熙葉布族距阿里克四百餘里百戶一名百長二名番人一百二十
二戶

住牧蒙古爾津地方蒙古爾津族距雍熙葉布族五百餘里百戶一名百長四名番人
三百八十戶

住牧楚貢地方多洛尼托克南兔族百戶一名百長一名番人二百二十二戶

住牧多洛尼托克地方阿薩克族百長一名番人三十九戶

住牧多洛尼托克地方列玉族百長一名番人四十六戶

住牧多洛尼克地方阿永族百長一名番人七十八戶

住牧多洛尼克地方葉爾吉族百長一名番人四十四戶

住牧多洛尼克地方拉爾吉族百長一名番人三十三戶

住牧多洛尼克地方典巴族百長一名番人三十戶

以上七族距蒙古爾津族三百餘里

住牧蒲肚克地方尼牙木錯族距多洛尼托克七族百餘里百戶一名百長四名番人

二百八十七戶

住牧苦苦烏蘇地方玉樹族距尼牙木錯族三百餘里百戶一名百長十一名番人五百四戶

按總舉番目稱達大臣招撫之初玉樹有十二族其說與此百戶一名百長十一名

者合蓋玉樹百戶百長各有土地人民不相轄也又稱現在止有九族蓋合戎摸將

賽總舉雅拉四百戶及巴拉夏西布湫插哈邦九五百長之數耳又稱其餘三族溫

博被果貉搶劫失散今存乞丐數家白利於數世前投藏其一名目及失散原因無

攷余疑溫博之音與噶爾布相近但噶爾布與白利原各自為族不當在十二族之

列豈後來附屬於玉樹旋經失散歟

住牧途胡爾托羅海地方噶爾布族即在玉樹族界內百長一名番人二十一戶

住牧烏哈那哈地方白利族距玉樹族四百餘里百長一名番人五十五戶

住牧登坡地方格爾吉三族距白利族四百餘里百戶三名百長六名番人八百三十

戶

住牧角木丹莫多地方洞巴族距格爾吉族三百餘里百戶一名百長二名番人八十

戶

住牧三木冲地方蘇魯克族距洞巴族一百餘里百戶一名百長一名番人一百三戶

住牧魯爾扎地方固察族距蒙古爾津族二百餘里百戶一名百長一名番人一百六

力名那希之馬河地而投藏
原因均為
被果貉逐
此區也

十二戶

住牧阿拉尼克地方隆布族距固察族一百六十餘里百長三名番人二百一十三戶

住牧上隆布族距阿拉尼克隆布族三百餘里百長一名番人七十六戶

住牧倫多布領地方扎武族百戶一名百長三名番人三百四戶

住牧扎爾通地方扎武族百戶一名百長二名番人一百五十二戶

住牧下扎武族百戶一名百長二名番人一百四十七戶

以上三族俱距上隆布族一百餘里

住牧扎武班石族即在扎武族界內百長一名番人一十三戶

住牧達爾熊地方阿拉克碩族百長三名番人一百三十三戶

住牧接聚地方阿拉克碩族百戶一名百長三名番人三百五戶

以上二族俱距扎武族一百餘里

住牧吉獨特地方隆壩族距扎武族二百餘里百戶一名百長一名番人一百四十

九戶

住牧吉戎地方上隆壩族距下隆壩族一百餘里百戶一名百長二名番人一百五十四戶

住牧蘇爾莽地方蘇爾莽族距阿拉克碩族一百餘里百戶一名百長三名番人三百五十戶

住牧奇可地方巴彥南稱七族距蘇爾莽五百餘里千戶一名百長二十名番人二千五十戶

按南稱七族之七字據衛藏通志當作四字爲是此筆誤耳

住牧匣烏地方稱多族百戶一名百長四名番人三百七十三戶

住牧束勒孫何地方哈爾受族百長一名番人三十戶

按西寧府志所載番族以貢馬爲限覺巴拉拉布庫克二族不貢馬故不列數然數之實止三十七族蓋漏列吹靈多拉族耳

青海調查事略所載

玉樹

巴燕昂謙千戶一名管百戶八名百長四十四名

上扎武族百戶一名中扎武族百戶一名下扎武族百戶一名

上格爾吉族百戶一名中格爾吉族百戶一名下格爾吉族百戶一名

上隆巴族百戶一名下隆巴族百戶一名

上玉樹族百戶一名下玉樹族百戶一名

隆布四族百戶一
安圖七族百戶一

蘇爾莽族百戶一
蘇象克族百戶一

稱多族百戶一
呢牙木錯族百戶一

蒙古爾津族百戶一
雍熙葉布族百戶一

固察族百戶一
上阿拉克碩族百戶一

下阿拉克碩族百長一
扎武班石族百長一

哈爾受族百長一
洞巴五族百長一

以上二十五族皆居黃河星宿海迤南通天河與格爾吉河上下一帶東接四川西

南與西藏所屬土司轄境接壤

按青海調查事略乃湟源楊某著其書詳於海北而略於海南如所云玉樹二族隆布四族洞巴五族及昂謙百戶八名百長四十四名之說與舊志既絕異又非今日事實不知何所據而云然豈曾見舊案所謂二十五族者耶今錄以備攷

按衛藏通志作阿里克等四十族而西寧府志則云玉樹等三十八族者蓋以巴拉拉布庫克二族不納馬貢故不列數耳那彥成平番奏議又云玉樹等三十九族者蓋又合覺巴拉拉布庫克數之而以阿里克內徙故不計耳然二十五族之稱莫有知其說者考平番奏議出於道光初年彼時猶云三十九族則二十五族之說當起於道咸以後而西寧案卷同治以前放佚不完無從考證同治以後之案卷但云玉樹二十五族亦未詳列其目故此次川甘交涉中央詰問前後族數參差之故西寧亦不能答但據衛藏通志搪塞而已武等始奉隨勘界務之令徧考圖志終莫得其癥結所在及到玉樹詳爲調查始知族數減少之故蓋有數因除阿里克覺巴拉拉布庫克三族不列數之故已見上外有舊日分立後來自相合并者如南稱四族後并爲一安圖七族

後并爲一阿拉克碩二族并一隆布二族并一是也有舊自爲族後來附屬於人者如洞巴之附於囊謙吹冷多拉之附於拉休噶爾布之附於蘇魯克白利之附於玉樹哈爾受班石之附於扎武是也亦有舊爲一族後來析爲數族者如玉樹原本一族後分爲四隆壩原本二族後分爲三蒙古爾津又分出竹節是也坐此數因遂致今昔族數參差不齊今以衛藏通志四十族爲準減去不列數者三族自相合併者十一族附屬於人者六族餘二十族加以後來分出之五族適符二十五族之數其合併之故則以內地委員到番各族例須輪流供億獨力難支衆擎易舉是以自相合併冀輕負擔如今日扎武三族屢呈請照一族當差其明證也其附屬於人者多係原有百長戶口單微亦爲減輕徭役起見遂不惜役屬於強族正猶古代諸侯附庸之例故其名不通於中朝也其分析之故由宗支繁衍末大於本番酋力不能制遂聽其各自爲部耳考玉樹中壩蒙古爾津之分析其來已久當在同治以前故列入二十五族之數近年以來又有增多之族如加迭喀桑之白力登馬阿滅六瓦格吉之那錯百戶玉樹之日娃百戶是也二十五族之稱起於咸同之際故此不列數焉

又按玉樹二十五族囊謙千戶為之長本應稱囊謙等二十五族其名乃正而衛藏通志則云阿里克等族西寧府志則云玉樹等族平番奏議亦云玉樹等番子而自道光咸豐以後西寧案卷直稱為玉樹二十五族玉樹本二十五族細部之名沿襲既久辭無差別遂以專名為公名矣正猶隴省屬部本有甘州肅州而又以甘肅為全省之總名也今欲為二十五族定一公名將曰囊謙乎則詞嫌不該別以等字乎詞又涉冗故姑仍舊貫而附其說於此

清初收撫囊謙時所發執照二紙今日猶存茲照抄如左而分注以備考焉

雍正三年五月十三日黃帶子欽差

給昂欠千戶四大百戶各百戶百長遵照此次定界後各照所分疆界管守百姓與

大皇帝按年格上馬貢毋得有缺東以零惹哈扎武布慶摸那布慶我那布慶葉里那囊謙

馬同百莫疊張姑蘇爾為界南以落訟巴囊謙尊安當馬囊謙窮果者其新巴囊謙

亦協志那博多哈囊謙覺拉載拉果清博敏博那上下為界西以桑郭且中場

蘇魯克木桑博吾僧多中場索根八恩洋冲疑即蘇蚌洋宗為界北以燈郭那能藏馬族地

地空差恆博地空鎖唵那斜地空為界周圍均歸二十五族居住由千戶妥為管理毋得此越彼

界有干重辦切切此示

按此篇從番文譯出意初給照時必具番漢文後來漢文者佚矣據此則二十五族及四大百戶之說收撫之初已有之而內地官書私記乃絕不少概見何也黃帶子不詳其名蓋雍正初征藏時便過玉樹之宗室覺羅也

雍正十年九月十七日

欽命總理西海彝番事務兼理西寧柴達木軍務喇布勒哈番加三級達為

飭定界址事案照爾等番族業經本都統酌量戶族之大小牌委千戶百戶百長在案其差賦律例應俟奏定之日另行飭知外但駐址若不照冊開明四至飭知恐彼此攙越滋生事端合飭遵照可也此牌

計開巴彥南稱千戶即爾策旺及所屬番人駐址地方

東至越爾巴蘇爾莽

西至巴爾達蘇魯隆崩巴即中壩

南至喀木達之源謝索布拉又水多

按清博百戶西南境有水名打木北流入解曲河發源之地今名哈木達梭博拉疑即謝索布拉又水多也

北至甫卡山梁阿拉克收交界

按此篇系漢文前篇乃二十五族之疆界此篇乃囊謙一族之交界也想餘族皆有之惜不可考矣


序

湟中青海鄙在西陲不當孔道通人紀載自昔罕聞
民國三年隴蜀共爭玉樹周務學奉檄查勘余橐筆
從行邀牛載坤任測繪之事沿途見聞載坤綴之圖
余記以筆朝夕切磋互相發也到玉後乃變日記體
裁分類調查別爲書二卷此稿遂棄置篋底不視久
矣今夏無事發篋閱之不忍竟廢輒要刪付印顏曰
寧海紀行用備輜軒之採云爾

民國八年秋天水周希武

行 紀 海 寧

序



圖次

西寧塔爾寺之攝影

恰卜恰之攝影

多格察尤山即崑崙山之攝影

過黃河時之攝影

果格女百戶之攝影

巴顏哈拉山之攝影

竹節寺之攝影

竹節寺僧衆之攝影

喀耐寺之攝影

拉布寺之攝影

通天河渡口之攝影

通天河濱駐紮之攝影

通天河皮筏之攝影

結古莊並寺之攝影

結古忠武橋之攝影

番族湯役之攝影

番商集會之攝影

結古新婚夫婦之攝影

番童元旦歌舞攝影之一二

結古寺僧賽神攝影之三

結古水上游之橋梁

纏谷寺僧賽神攝影之一二三四

寧海紀行

天水周希武著

寧

海

紀

行

民國三年十月八日即舊歷甲寅八月十九日由蘭起程是早一點鐘 特派員周務學

字本齋下
稱本齋

已從數騎戴星而行余與牛載坤等遲至十二點鐘始行由皋蘭縣治西行里

許過阿干河（河出南山北流注於黃河阿干河口兩山對峙東曰龍尾山西曰華林山

皆南山支麓迤至河壩而突煞者也龍尾山俯瞰省治全城在目最爲形勝之地上有四

墩自東南而西北相距各二百餘步墩高六丈許作立方形皆甃以磚中空而四面有竅

可容百人乃前清乾隆時阿桂所築華林山上有城周圍約三里許前清時駐一游擊山

東麓阿干河西岸樹林陰翳土人所謂西園也產梨極佳金天寺在西園中琳宮梵宇隱

現林表致爲可觀由阿干河南行踰山一百二十餘里可至狄道）河上有躍橋 西行

里許過西津水有橋水西有村曰梁家莊村東北有堡三里許過七里河河西有村村西

北有堡 三里許過一小水水西二里許有村曰雙營子 二里許過一水有橋水西有

村曰土門洞 西稍偏北行五里至崔家崖莊又西五里連過二水至崔家崖

自省治至
此皆土路

平甚

（崖者南山之麓迤至道左大阜特峙層樓傑閣負崖矗立自巔下屬於地頗壯麗可

觀唯無樹木每歲四月八日士女游覽者頗衆黃河自西北而東南與崖相觸）自此南

緣崖北並河

河中西洲渚甚多以崖家大灘爲最大東四長約三里許灘上樹木頗密

沙路崎嶇約七八里上下一坡至牲口

堡

自崖家崖舍車路取小徑至此復與車路相會

川開路平三里許至城關營

三里許至西古城

（據蘭州府

志卽漢金城縣故治）

古城附近多棗樹

由古城論河而北卽舊沙井驛驛西有水出北山南注於河名米家沙溝上通哈家嘴蘆井子

古城附近溪水旣小河岸又高故多旱田清末蘭州道彭某鑿渠引河糜費鉅萬功迄不

成 自古城西行過一小水南北山勢漸合 五里至柳溝莊入峽五里許過孫家溝

里許至白家閣門 折西北行三里許過一小水有橋水西北有莊曰梁家灣 三里折

西行上下一土坡出峽川開路平 五里至坡底下莊黃菸甚多 西行過一水約三里

至墩下灣莊莊中有店戶多家附近多棗樹 自古城至此濱河一帶時有邊牆遺址

西稍北行五里許至新城堡宿北城有石刻云「明成化丁未巡撫賈兵備副使邊以套

虜時窺蘭州衛由此踏冰渡河乃相地衛西七十里之積灘築城以扼虜衝名曰新城」

到時午後五時 時本齋已至新城數時矣 按省治高出海面一千六百米達新城一

千六百八十五米達 自省治至此凡過十一水均出南山北流注於黃河其間以遼河餘
則不數灌漑河林多澗居民多以木機大輪吸黃河水灌田 田外尚有餘水以遼河餘
家店戶均在西門外由新城隴河而北稍東有水出北山南注於河曰柴家川

十月九日即舊歷八月二十日早五點鐘自新城起程西行南北山勢復合 自新城隴河

水出北山南注於河名 緣左山麓行 三里山勢復開曰青石川 二里過一水（水出

南山北注河）里許至青石川莊（莊北隔河稍西即莊浪河入黃河之口口東有莊

曰苦水驛村樹茂密居民有三百餘家口西有堡據山巔曰河口城頗完整）由青石川

莊西行二里許折西南行里許至青石關有莊關在莊西百餘步南負巖北臨河形勢頗

險水經河水會湟之後又東經石城南者即此地也關駟謂之石城津關東西均有渡冬

則出關西硤行十里許踏冰北渡冰解後由關東船渡余等行當仲秋故未得出關也渡

口有官船四隻每船水手十二人前後各六人共搖一槳無舵上船後約十分鐘到彼岸

沿北岸西行半里許過一小溪（溪水出北山南注河水味鹹旁有澄鹽之池每歲產額

無多）上坡磴道紆迴俗名八盤山其巔乃平原也名張家臺子東西斜長北屬之山其

南盡處崩崖壁立高二十五丈黃河薄流其下由原上西南行八里許至八盤台舊堡子

下峻坂又過一鹽莊溪（水出北山南流注河）里許至達家莊莊北倚大阜阜上有達家堡南行里許至達家川村樹頗密村西南里許卽湟水入黃河之交也（余按大通河較湟水源遠流盛湟水入大通河而後入河則入黃河者當稱爲大通河其名乃正然自班志酈注皆以湟水受浩亶水即大河而入黃河蓋中國古人敘述水道往往誤枝爲幹不止此水爲然今姑仍之）又按水經注逆水即莊河入湟後湟乃入黃陶拙存辛卯侍行記已覺其誤然謂逆水古有入湟之道年久漸湮此則臆度之言不知莊浪河入河之口距湟水入河之口幾二十里中隔一高原間以兩鹽溝原頭斷岸百尺俯瞰河流二水絕無相通之理然後知地學非親歷不能確也由達家川舍黃河循湟水西北行十里過一水（水出北山西南流注湟）至張家河灣有莊三里許過一水（水出北山南注湟）至贛子莊西行五里許過一水（水出北山南注湟名大溝路通苦水驛）又二里許連過二水（均出北山南注湟）至張家寺莊二里許至賽排川莊莊東路北有皋蘭平番分界碑碑東爲皋蘭縣地碑西爲平番魯土司地由賽排川西行里許過一水（水出北山南注湟）上坡行原上里許過一溝（水出北山南注湟）五里下坡

至馬回子莊自入盤台下坡至此路多碎石紅砂 莊西湟水北觸山麓緣崖而行路甚

險六里至鹽莊子 莊西過一水（水出北山南注湟）七里至楊家礮台平路二里至下

花莊子二里至上花莊子三里至黑嘴子宿有堡商民百餘家到時三點十五分所過田

土均係旱地間有鋪沙者 是日共行七十里

十月十日即舊歷八月二十一日早五時由黑嘴子起程西北行三里許至飛石崖湟水

曲流其下如半規形崩崖嵯峨呀羊腸迂迴俯瞰奔湍側足屏息崖高處距水十九丈弱二

里下坡至青土坡莊由莊踰湟水而南稍西有水出南山北注於湟俗名羊腸溝溝口兩峯對峙勢頗高峻由青土坡莊西行五里

至王家窟陀五里至新莊子 莊西有紅古坡形勢如飛石崖而峭拔過之又飛石崖係

紅土此則青岩嵯峨懸垂欲墮坡高處距水十二丈強五里下坡至紅古城有商民百餘

家市西南有古城廢址數十丈莫知其始余疑即漢允街縣治故蹟按水經「湟水東合

浩亶河後又東逕允吾縣北又東逕允街縣故城南」此處西距大通入湟之處六十里

西北距窰街五十里陶拙存謂窰即允之訛傳允街疑在窰街迤東按之形勢此地為合

又由紅古城踰湟而南有渡口疑即鄭伯津也有水出南山北注於湟土名煖治川川口村樹稠密

爲碾伯菁華所在地名下川口迤東至河湟之交皆河州地辛卯侍行記考證漢金城郡允吾縣治謂在湟水南黃河北與允街隔水相直當今平番碾伯河州皋蘭接壤湟黃二流之交焦家河張黨堡等地其說已較諸家爲近按小晉興城在上川口左右（其說在下）闕駟謂允吾西四十里有小晉興城今上川口東距下川口約五十餘里又馬援傳允吾谷西通唐翼谷陶拙存以唐述山東麓爲唐翼谷唐述山在今碾伯縣東南境濱黃河之趙木川地方今由下川口循煖治溝西南行百餘里踰分水嶺正至唐述山左右又胡胼明謂蘭州西一百二十里有允吾故城其說當有所本行篋書少卒未查出所謂蘭州者疑根據漢金城縣治言之漢金城縣卽今西古城由西古城至下川口恰一百二十里又水經允街在湟水北允吾在湟水南今紅古城與下川口實隔水相望以此可證允吾縣治在今下川口左右無疑若焦家河等處尙在下川口東六七十里之外與諸說皆不符西寧府舊志亦謂在下川口惜無證據也城南湟水濱有用土法淘金者緣大通河濱到處產金此處雖名湟水其實大通河之下流也故沙中時有麩金及豆瓣金上下川口等莊均駐有收買生金之商由紅古城西行十里至水車莊十里至王家口子路均平坦由王家口王

子瞻湟水而南希西有水出南山北注湟名鹹水溝溝口左右均有莊 由王家口子緣右山麓西行路皆沙磧十里至李

家鑿子莊西為虎頭崖形勢比飛石崖紅古坡尤險惡鳥道一線劣能容足下坡行河灘

中十里至海石灣莊莊西南三里許即大通河與湟水合流之處也由海石灣折西北行

五里許下一高坡即大通河出峽之口也按大通河即漢書所謂浩亶水水經所謂闔門

河顏師古曰浩水名也亶者水流夾山岸深若門也詩大雅鳧鷖在亶亦其義也今按大

通河出峽之口大山對峙岸高於水約十丈相距約六丈上有橋跨之河水為石峽所束

波平聲寂其深莫測然後知古人命名之確也由橋東緣峽北行羊腸一線三十里可至

道彭英甲購機鼓鑄其間旋以折閱停辦大運河上流多森林 過橋折南行五里至享

堂宿到時午後三時享堂係平番李土司屬地居民約百餘家店戶頗多 是日共行七

十里

十月十一日即舊歷八月二十二日五點鐘自享堂起程西北行五里上一高坡坡高十

丈強湟水曲流其下(隔湟有水出南山北流來注名巴州溝溝口村樹稠密即上川口

也水經湟水東逕破羌縣故城南今老又東逕小晉興城北又東與浩亶河合西寧府志

謂小晉興城在古鄯驛按古鄯在下川口西南六十里去湟水頗遠何以言東逕城北又在浩疊河既入湟之後與水經顯背余疑小晉興城當在上川口左右下坡過一水(水出北山南注湟)五里至史納莊南北山勢至此漸合是為老鴉峽峽口有廢堡遺址當道其勢甚險緣右山麓行里許隔湟有水出南山北流來注曰米拉溝溝口東莊曰梨掌西莊曰鍾家(按米拉巴州煖治等溝土人謂之米拉三溝中多莠民光緒乙未回變起事處也)五里許隔湟有水出南山北流來注曰松樹溝路通巴彥戎溝口東有莊三里許至楊家店子峽愈隘兩崖皆青紅石曲折西行十里至蓮花台岩石駢植若蓮花之瓣故名折北行或緣山麓或傍水濱十二里至鸚哥嘴石徑崎嶇殊不易行石崖上有刻文係鑿路時所鐫漫漶難識三里許始出峽按漢書趙充國傳充國至金城渡河充國所渡之河當即石城津自黃河以西至享堂湟水無隔遣騎候四望陜中亡虜夜引兵上至落都(顏注山名)曰使虜發數十人守杜陜中兵豈得入哉落都即水經所謂洛都城今碾伯縣治是也充國出險而至洛都故有喜幸之辭則四望陜在洛都之東可斷言也今老鴉峽正在碾伯東五十里之地峽長四十里屈曲深邃到處可以伏兵其為四望陜無疑土人讀鴉污瓜切疑即望之

轉音而西寧府志謂四望陬在西寧縣治西謬甚或以大峽小峽當之均在碾伯西亦非是五里許至老鴉城城內居民百餘家住兵十餘名城東有水出北山南注湟名冰溝由此東北通平番有車路西寧電線由此接於平邑按水經湟水東逕破羌縣故城南六谷水自南破羌川自北左右翼注之府志謂破羌縣故城卽今老鴉城形勢頗合當從之冰溝當卽破羌川水也六谷水疑指米拉松樹虎狼_見下等溝南者湟南未必卽指城南也由老鴉城西行四里至趙家莊一里至馬家莊二里至白崖子三里過水磨溝（水出北山南注湟疑卽水經所謂細谷水也）至蒲家口子二里許過一小水至長里店子下莊二里許又過一小水至長里店子上莊里許過沙溝（水出北山南注湟疑卽水經所謂流溪水也）路北里許有莊曰柳灣西行三里許至高廟子宿有堡居民百餘家到時午後四點高廟子隔湟稍東有水出南山北流注於湟俗名虎狼溝溝後有山高插雲表巔有積雪腰有橫雲乃黃湟二流之分水嶺巴碾二邑之界山也 是日共行七十里

十月十二日卽舊歷八月二十三日自高廟子起程西行三里許有水自南山出北注於湟日雙塔溝附近居民引溝水以灌田其利甚廣疑卽水經所謂乞斤水也三里許至斷

堡子有上下兩莊三里許至石嘴子有上下二莊莊西里許有水出北山南注於湟名羊

官溝疑即水經所謂陽非水也五里至水磨營凡三莊有水自北山出穿莊南注於湟曰

勝番溝水清而大其流頗長疑即水經所謂長門川也按湟水先會長門川而後經樂都

城南是長門川應在今縣之西而勝番溝從縣東入湟疑非一水然今勝番溝東水門營

地方有古城廢址或即樂都舊治亦未可定也隔湟有水自南山出北流注湟曰西行三

里許邊一水即勝番溝水有橋至碾伯縣治南瀕湟水城垣為水冲刷多就圯東南譙樓

全毀城內商廛民屋多湫隘傾欹街北有廟門懸匾額曰講約所蓋從前講習呂氏鄉約

之遺迹今則廢不復講而鄉職但供差役矣出碾伯縣南門折西行二里至小古城一里

至大古城兩城如連環相距三里許未知建置所始三里過一小水水出北山南注湟

水東西有莊名達子灣二里過一溝川名努水溝水出北山南注湟疑即水經所謂吐那孤

峰注之土名至兩潤堡又名猴兒口子三里至羊圈台四里至漢莊子莊南隔湟有水出南山來

溝疑即水經期頓鷄谷二水也五里南北山勢復合即大峽也里許出峽隔湟有水出

來注瀉名巴掌溝疑即水經途扶東西二溪水也五里至河灘寨一名峽口堡二里過水

磨溝（水出北山南注湟疑即水經所謂承流谷水也）溝西有莊三里至張家寨宿有堡莊中樹木成行泉水交流民約二百餘家到時午後三時是日共行六十里

十月十三日即舊歷八月二十四日由張家寨起程西行五里許隔湟水為平戎驛城即漢

安夷縣故址明初置驛驛西有沙溝水出南山北流注湟疑即水經安夷川水也十里至白馬寺莊居民二十餘戶皆半番也北

山迤至道右有連阜蹲峙若剖葫蘆而側臥其半者嵌崖為閣中有巨佛像阜西有紅岩

溝（水出北山南注湟疑即水經甘夷川水也）水頗大踰水十里至曹家堡十里過一

小水至高寨寨西有水（出北山南注湟）名他拉池溝自白馬寺至此三十里中荒地

彌望唯白馬寺曹家堡附近略有墾地而湟水以南此三十里中烟樹村落絡繹不絕不

知隔一衣帶水而土質腴瘠相懸若此何也土人云前雖開渠以灌荒地其功未竟今就

湮矣惜哉此守土者之責也自高寨迤西五里中田疇盡闢樹木頗盛隔湟為三十里鋪

北流注湟疑即水經所謂漆谷也南北山勢至此復合是為小峽水經湟水逕東亭北東出漆峽當即小峽也湟水為峽所束

僅寬六丈許有木橋跨其上過橋有市民數家中頓後緣左山麓西行路左有石谷頗深

遂寬僅一丈無水二里出峽峽口夾水兩岸有關北完南圪路左有創修南北二關碑記

寧

海

紀

行

左文襄撰言河西有事守者得此兵以一當百攻者踰此而入則西寧不復能守同治回變官軍西討賊扼硤口苦戰屢月迨硤口既破賊遂棄西寧不日就擒光緒三年青海副都統豫師始扼河築關南曰武定誌兵威也北曰德安飭吏治也今德安獨存而武定半圯豈乙未再變時所毀耶又謂出西寧城東望兩岸石山壁立對峙馬不能並轡車不能方軌如是者六十里云云並非實際殆類文人誇張之習矣平行十里至羅家灣莊民十餘家疑古東亭在此地北有山水南注於湟曰沙棠川水源頗遠上通威遠堡同治回變賊扼小硤劉錦棠力攻不下乃分兵由北山間道出沙棠川繞至硤後夾攻破之按水經湟水逕西平城後又東右合蔥谷水又東逕東亭北東出漆硤余謂右合蔥谷之右字當是左字之訛蓋自小硤西至西寧城南山無北流入湟之大水而沙棠川乃湟北最大之水不應遺之蔥谷當即指沙棠川也二十里平行至西寧縣城穿城而過出西門過通濟橋橋跨南川河三里至大營盤堡宿是日共行七十里

大營盤堡乃同治初湘軍所築方二里止有東門

自十月十四日至二十五日駐寧摒擋出塞裝具暇時偕牛載坤攜望遠鏡登營壘四望湟水自西來左會北川河（水出大通縣北達坂山東西二源於縣東南合流又南入湟

水卽水經所謂長寧川也。右會南川河（水出西寧縣南之牛心山北流注湟卽水經之牛心川也）西寧縣城在湟水南牛心川東城東南西三面皆作直線唯北面則屈曲繚繞蓋避湟水之衝刷耳。湟水北長寧川東有土樓山山足爲湟水所刷崩崖壁立百仞岩石積層凹凸青紅遠望如樓閣所以名土樓也。土人就崖上凹處架木施檻中供佛像崖下有寺曰北禪寺闕駟謂西平亭北有土樓神祠者當在此地今寺乃新建也。城南百餘步南山麓上有古城遺址自西而東與南城等長城內亦有舊城東北隅遺址據府志謂卽宋元西寧州故城今城乃明初耿秉文建基割舊城之半圍九里許距城三里牛心川西湟水南有土台一以氣壓表測之約高十丈志稱九丈八尺略符趾方各三十二丈頂圓徑八丈許蓋原形若覆斗然年久頽圯稜角剝弊故趾猶微方而頂則圓矣。府志謂之虎台南涼禿髮氏所築也。俗謂之將台台之東有高墩四四隅角立相距各一百二十丈高各七八丈疑皆禿髮氏所築此亦當時偉大之建築而夷酋之不惜民力於此亦可見矣。

湟中秦以前爲羌無弋爰劍裔所居漢爲金城郡之破羌安夷臨羌等縣地魏置西平郡晉因之五胡之亂西平迭爲前涼後涼南涼北涼西秦吐谷渾所據魏一北方置鄯州隋

因之唐初屬隴右道為隴右節度治所寶應後沒於吐蕃互數百年爾唐五代以迄於宋中間雖經唐宣宗宋神宗一再克復然未幾即淪為異域元為西寧州明改州為衛清升為府轄西寧碾伯大通循化四縣貴德巴彥戎丹噶爾三廳西寧設道一鎮一以轄文武設青海辦事長官一以理蒙番事務清制長官稱欽差節制鎮道其秩頗崇民國元年廢府升貴德巴戎為縣丹噶爾廳為湟源縣設蒙番宣慰使以西寧鎮兼之會同青海長官辦事董祐誠據

元和郡縣志謂西平故郡在唐湟水縣西一百三十二里據西寧府志湟水即今碾伯縣

治西距西寧縣城一百一十里是西平故郡在今西寧縣附近矣余攷洪補三國疆域志

西平郡漢末分金城郡置魏晉因之領縣四曰西都臨羌長寧安夷西都首列當為郡治

洪於西都下注曰魏分破羌縣立云云晉書地理志西平郡縣皆與魏同均無破羌縣是

西都為破羌所改無疑疆域志後涼呂氏始置樂都郡西涼有西都郡而無樂都郡南涼

北涼有樂都而無西都是樂都為西都所改又可知也水經湟水東逕樂都城南又東逕

破羌縣故城南府志樂都即今碾伯縣治破羌即今碾伯東四十里之老鴉城是蓋西都

轄境即漢破羌縣故地而縣治則自老鴉城而移於碾伯耳元和志又云湟水縣本漢破

羌縣地然則魏晉西平郡治之西都與唐鄯州治之湟水同在漢之破羌縣地今之碾伯

縣治可斷言矣而元和志乃謂西平故郡在湟水縣西一百三十二里誤矣考其致誤之

由實始於酈道元按水經注湟水又東逕西平城北其小注云東城即故亭也(中略)魏

黃初中立西平郡憑倚故亭增築南西北三城以爲郡治余按此西平城即今西寧縣治

乃後涼呂氏之西平郡治非漢魏之西平郡城也漢魏以來之西平郡治西都縣實今碾

伯而今西寧縣地當時爲臨羌安夷之地呂氏既以西都爲樂都郡一曰書龜管即改西

之郡同時又建西平郡意此時始移郡治於漢之西平故亭郡城亦當是此時所築而附

郭之縣仍以西都名之府志西甯碾伯皆南涼北涼均因之未改魏一北方於此置鄯州

郡當屬州今本魏書地理志鄯州下闕道元據當時所見而未考其因革遷徙之故遂以爲魏晉以來

之故郡即在於此元和志又踵其謬耳闕駟十三州志臨羌新縣在郡西百八十里駟敦

煌人仕於北涼其述河西地理皆得之親歷其所謂郡必指晉之故郡今按水經湟水東

逕戎峽口又東逕臨羌縣故城北又東逕臨羌新縣故城南戎峽即今湟源縣

西之西石峽峽東十里即鎮海堡臨羌縣故城當在鎮海堡稍西新縣故城

東湟水北由鎮海堡東至西寧縣五十里又東至碾伯一百一十里凡百六

在郡西百八十里之說相符古今里至容有盈腫自後人誤謂今之西寧縣城為即西平

臨羌新舊縣等古蹟皆不得其所在反求之邊外數百之遙而湟水左右翼帶之諸小水

皆迷亂不可求矣 青海版圖埒於甘肅一省而土曠人稀貨棄於地是天留一未闢之

洪荒以為西陲殖民銷兵之尾閭而湟中實為之門戶北蒙南番絡繹於道皮毛魚鹽藥

材森林礦產之利均委輸焉亦河西一大都會也其地橫跨黃湟大通三流域就西甯道區言之

南部由黃河以達蘭省中部由湟入黃河以達省北部由大通會湟入黃河以達省均不

過二三日之程物力雄厚交通便利倘建為特別區域亟力經營將來發達未可量也

湟中北面以祁連山脈為屏障深谷間道處處與河西四郡相通漢代先零因小月氏以

通匈奴明季套虜出黃城灘以擾青海而光緒乙未湟中回變其餘孽即由野馬川沿賴

河以出玉門皆祁連山之間道也大通衛察漢鄂博永安城等處清季尚有綠營扼要分

防自綠營既裁險皆虛設於是庫倫與青海蒙古之往來皆視為無足重輕之事矣噫

湟中燃料用石炭煤末兩種皆出大通礦苗頗旺唯開採之術未精又煤車進城往往為

官吏兵隊所抑買以故煤販裹足價值昂貴每屬陰雨凍結市民輒有不火食之虞西寧距蘭州四百四十里而地面高出蘭州六百餘丈計每里差一丈五尺左右故水源甚高而流甚駛土性雖多鬆沙而無滲漏之患灑澆諸溪到處可以引渠灌田故無凶年之憂唯氣候甚寒春已暮而草始青秋未高而雪已降歲只一收然溫中人民稀少一歲之入足以供一歲之食而有餘故商販常漕穀東下以濟蘭州之窮

十月二十六日即舊歷九月初八日由西寧大營盤起程文武員弁共六十餘人馬九十餘匹外雇駱駝七十餘頭以載輜重向例委員入番先傳諭沿途番目供給烏拉烏拉者支差之犛牛也沿途番族插帳之所不必適當大道即當道番族亦聞拔帳遠徙烏拉交遞之間往往迂道以就之又犛牛且行里行役延緩職此之由又往年委員視下番爲利藪

騷然此次本齋爲省擾累求迅速起見遂力排衆議

曉諭番目以此次不支烏拉之故在求迅速並非免

以寬兩得之矣 沿滄水南岸西行經

慰使閣臣以羊酒祖餞於此又西經小寨韋家

流注於湟當即水經龍駒溜溪伏溜石杜蠡等川水

魯沙爾上通塔兒寺塔兒寺為西寧最大之寺院僧

者絡繹於道僧寮千餘間中有疑即水經所謂盧溪水

絕大佛堂其瓦皆鑿以黃金

里 鎮海堡城內居民數十家地扼西石硤之東為西寧

此漢臨羌縣故城當在堡左右由堡北踰湟水而東約十里有西納川

湟水當即水經所謂臨羌溪水者也臨羌新縣故城當在西納川入湟之交多巴莊附近

由西納川西北行經上五莊至水硤有直接通青海之路海北蒙古出入內地皆取道於此

十月二十七日即舊歷九月初九日早四鐘自鎮海堡起程沿南山麓西行過一小水未

幾過橋沿湟水北岸行十里至扎馬隆村天始明入湟硤土人謂之西石硤疑即水經所

謂戎硤也路頗崎嶇十里至駱駝脖子過黑溝水（水出北山南注湟）五里至響河爾

塘有響河爾水出北山南注湟響河爾莊東南有水出南山北流注於湟土人謂之磨溝

水流頗盛五里至石崖莊有藍占巴水出北山南注湟南北山勢至此漸開西行越一土坡土人謂之二中梁夾湟水南北各有古城遺址十里至湟源縣城時早九點半鐘也擬在此間購辦入番用具故行四十里而止焉 縣本前清丹噶爾廳民國元年始升縣改名湟源城據北山之麓頗狹小居民七百餘戶皆土屋無瓦闔邑共三千餘戶縣西南有

東科寺丹噶爾即東科之緩音宋時吐蕃有宗哥城疑即東科之音轉也 湟水源出縣城西北一百五十餘里之撥洛充克地方(在青海東北)衆泉交湧匯爲一水東流六十里至楊家塔兒地方有一水西北出巴罕烏蘭地方東南流來會

非也(辭見上)余按通鑑天寶元年隴右節度使鄧州統臨洮等十軍胡注云臨洮軍在鄧州城內(唐)鄧州治湟水今碾伯縣治是)河源軍在鄧州西百三十里當在今西寧縣附近)振威軍在鄧州西

近古里數小(白)水軍在鄧州西北四十里之三角古縣志以爲綏戎城非是)威戎軍在鄧州西百三十五里今楊家塔兒古城東距三角城四十餘里距碾伯縣三百餘里當即威戎軍古壘也唐代軍城距離鄧州之里數皆從湟水起算後來志乘誤以今之西寧縣治爲

軍城皆遠求之塞外也 湟水又東左會胡丹度申中二水右會莫爾吉納隆口阿加兔拉

拉口等四水 水經云東右控四水東流經中城(當在扎藏寺)莫爾吉以下四水也又東逕轉

嘴子北 縣志云此處地名山城按有之古形勢頗合當從其說又東逕湟源縣城南右納一小

行 紀 海 寧

金	蘑	犬	麝	鹿	鹿	駱	野	野	馬	野	牛	大
	菇	黃	香	角	茸	毛	皮	皮	皮	皮	皮	皮
五	三	十	三	二	四	二	五	五	五	五	一	一
百	千	萬	百	萬	百	萬	千	千	千	千	萬	萬
兩	斤	斤	兩	斤	架	斤	張	張	張	張	張	張
每	每	每	每	每	均平	每	每	每	每	每	每	每
兩	斤	斤	兩	斤	每架	斤	張	張	張	張	張	張
三	三	一	二十	一錢五分	五十兩	三	三	二	一	平均二兩	二	三
十	錢	錢	兩六	分三	兩二	錢六	兩一	兩一	兩五	兩一	兩三	錢四
換	九	一	千	千	萬	千	萬	萬	千	萬	萬	千
一	百	萬	千	千	萬	千	萬	萬	千	萬	萬	千
萬	百	萬	千	千	萬	千	萬	萬	千	萬	萬	千
五	百	萬	千	千	萬	千	萬	萬	千	萬	萬	千
千	兩	兩	兩	兩	兩	兩	兩	兩	兩	兩	兩	兩
兩	兩	兩	兩	兩	兩	兩	兩	兩	兩	兩	兩	兩

青	皂	鉛	火	礪
鹽	礬		硝	砂
三	一	二	硫	二
百	萬	千	礦	萬
萬	斤	斤	二	斤
斤	每	每	斤	每
每	斤	斤	每	斤
斤	五	二	斤	斤
一	分	錢	二	二
分	五	四	錢	錢
三			四	四
萬	百	百	百	千
兩	兩	兩	兩	兩

統計七十九萬七千七百兩

按遼源縣商業以前清嘉道之際為最盛時代伊時海藏之貨雲集輻輳每年進口貨價值至一百二十萬兩咸同兵燹以後番貨滯積商業遂衰近年以販皮毛者漸多商務稍有起色然每年進口之貨推其極數不過七十餘萬較之從前尚差四五十萬之多且貨價視昔增倍即羊毛一項比諸光緒初年增至七八倍之譜比較貨價之增益知貨額之損以鹿茸一項而論昔年至一千七百餘架之多今則二三百架而已其他皆類是細究其故則由昔年蒙番西藏之貨大都以遼源為銷場近則藏貨西洩於印度玉樹之貨南洩於川邊蒙古之貨北

洩於甘涼瓜沙貿易之途日多是以湟源之商務日衰也

藏貨 每年由西藏商上差噶爾琿運至湟源約共千餘包其中璽居十之五一佳者

至值銀五十兩藏香居其二有一束值銀數兩者藏經居其一以金寫者價值最昂每卷經有售銀五六百兩至千餘兩者其餘如藏

棗藏桃藏紅花雪蓮等藥材居其二每包價值平均以百金計共值銀十萬兩左右銷

丹地者不及十之一餘由藏番自運近赴塔爾寺遠赴北京庫倫銷售藏番往返運貨

例不徵稅故任行內地漫無限制甚至包庇奸商攜帶禁物素畫一之規漏唯正之供

雖曰優待遠人然稍傷偏枯矣且英人窺藏已非一日印度鐵軌已越喜馬拉雅山而

過將來或逞無厭援今日藏商之例以橫行腹地將何詞以拒之曲突徙薪不可不早

籌限制之策已

玉樹番貨 每年自運皮毛藥材等類至湟源銷售道光時每年售銀至六七萬兩近

年一二三萬兩而已

青海出產羊毛甚多其進口亦不止湟源一處今據調查所得除湟源進口每歲二百

二十萬斤外循化拉卜楞隆武寺三處歲進口一百三十萬魯沙爾上五莊二處一百

五六十萬俄博大通永安等處一百萬貴德一百萬永昌黃城灘五十萬肅州燉煌一百萬玉樹羊毛南出川邊打箭爐者亦有一百五十萬斤總計一千萬斤有餘近年天津山陝商人販至京津張家口一帶轉售洋商多獲重利皆購有海關子票內地稅局不能過問但驗票而已甘肅司計者爲挽回利權起見就羊毛進口之處設立皮毛公買所每百斤抽銀二兩計西寧一道每歲抽銀十萬元之譜羊毛進口之處均有歇家歇家者其初不過通番語之牙僧而已自近年洋商以重金購毛而不能直接與番人交易又番人之所信者亦唯歇家於是歇家得以居間爲利變牙僧而爲棧商買賤賣貴不名一錢而起家致富往往擁貲鉅萬交通官府與摺紳齒矣於是官廳思分其利遂有所謂歇家領照稅者蓋專業許免稅之類也計湟中十三口歇家歲出領照費約三萬元湟中食鹽皆仰給於青海青海鹽池頗多以達布遜淖爾爲最大東西二百七十餘里南北六十餘里在青海西南爲和碩特蒙古南左翼次旗扎薩克所管距湟源縣三百五十里舊例唯准蒙民之窮者由該管王公領照馱運至湟源與漢番人民換易布匹口糧等物

蒙民納糶糶於郡王便可裝載六七馱約六日可至湟源亦有運往貴州大通會沙爾上五莊等處銷售者

其價因

蒙古去來之多寡爲漲落賤時每鹽一升易青稞一升遇貴即須升半二升

青稞一升價銀一分

約值銀一分而巳計青海進口之鹽每歲約三百餘萬斤由湟源權運

局每百斤徵稅洋二圓歲共六萬餘圓西寧七縣專賣稅亦歲額六萬圓左右民間食鹽每斤值制錢六十餘文余按青鹽係天然產成其淖泊之廣輪大於河東鹽池數倍又自達布遜池迤西至柴達木小池甚多實有取之無盡用之不竭之勢然河東鹽池運銷數省而青鹽止行銷於湟中者以交通不便轉運艱阻故也蓋蒙番進口貿易者有餘牛始運青鹽而及其運至湟源每馱不過值銀一兩甚或不及夫涉三四百里之遙而所得僅此宜蒙番之不視爲生業而鹽之進口者少也而內地商人亦以道阻價廉無利可圖莫前往者官廳雖以賤價收鹽然來源不旺所得無幾而每斤官價六十餘文在生活較低之地民間已有淡食之慮夫坐棄自然之利而公私交受其病天下可嘆之事孰過於此倘亟經營青海附近開闢道路使數百里中屯牧相望寄宿有所則收青鹽爲國有自運自銷每歲出鹽當增至二十倍以上銷場日益推廣鹽價亦可稍平國課日增而一切拓殖之大業皆有所挹注以經始矣將來經略青海此爲第一

要着而振興皮毛公司抑其次也 青海產金亦多北部則大通河流域及甘州之野馬川肅州之涇賴河上流（皆在青海境內）歲產金約一千五百兩中部則貢爾勒蓋黃河道佛山溝瑪沁雪山等處歲產金約五百兩南部則玉樹娘磋稱多等處歲產金約三百兩此皆用土法開採每歲所得如此他如隆冲河之銀在海南木勒哈拉在海北之紅銅柴達木之鉛或已經開採或旋開即廢者頗夥唯以上礦產多在寒苦無人之地承包商人募丁往採每歲興工止宜夏秋兩季道路鄙遠糧運艱阻昆連野番時遭搶劫故礦苗雖旺而棄地者尙多也

十月二十八日即舊歷九月初十日自湟源縣起程過湟水沿藥水西南行四里至董家

莊里許過橋至蒙古道莊七里復過橋緣右山麓行三里過一小水至察罕素莊距縣治十五里

五里至高陵莊莊南有水自西來東注於藥水五里至小高陵莊莊南亦有水出西山

東注於藥水折西南行入峽道旁崖石有刻文曰關山通道其旁小字漫漶剝落不可復

識矣十里至藥水塘北距察罕素莊二十里南至窩藥塘二十三里哈拉營三十五里十里至兔爾干莊莊南有水自

西來東注於藥水東科寺在水上流北山根折南行二十三里至窩藥口有水自西來入

於藥水十二里至哈拉庫圖城藥水東西二源於城北交會城據西南山麓形勢頗險西距日月山二十里扼蒙番進口之大道前清常住守備一員兵額二百四十名城東南山阜上有古營盤遺址隔水東北山上亦有古時牧營馬處附近崇椒有料瓣臺余考通鑑開元十七年朔方節度使信安王禕攻吐蕃石堡城拔之更名振武軍胡注自鄯州鄯城縣（即今西寧縣治）河源軍西行百二十里至白水軍（當在今湟源縣治附近）又西南六十里至定戎城又南隔礮七里至石堡城本吐蕃鐵仞城也宋白曰石堡城在龍支縣西四面懸崖數千仞石路盤曲長三四里西至赤嶺三十里武疑哈拉庫圖城東南山阜上之古營盤當即石堡城遺址東北隔水山坡上之料瓣臺當即定戎城遺址此處西距日月山二十里山皆赤色當即所謂赤嶺唯龍支在今碾伯縣南距離稍遠又形勢之險不如宋白所言之甚抑古來文人鋪張形勝武將侈陳戰績往往有失實之處正不必泥其辭耳是日本齋用鄉導之言取窩藥口捷徑以向日月山余等緩行在後至口爲山麓所蔽遂遵大道前至哈城旋知其誤西北却行截數山麓至窩藥口西山坡上與本齋會時本齋憩息已數時矣凡枉道幾三十里然得備歷藥水上源之曲折及見哈城之

事

古蹟亦無憾也是日共行八十五里到則披草而臥縱馬於野黃昏輜重始至就地紮帳
炊時燒牛糞為薪鼓鑪吹火用石支鍋以囊盛豆繫於馬口氈裹其背繩絆其足居然塞
外游牧之景况矣宿處為日月山之東麓附近無民居

十月二十九日即舊歷九月十一日早八點十分自上窩藥起程西南緣山坡行山麓歧
出如水禽之蹊然約十餘里至日月山山高出海面米達三七五八峰頂堆石為卡甘青
於此分界山頂皆沙質紅色所謂赤嶺者也按通鑑開元二十一年丁酉金城公主吐蕃

請立碑於赤嶺以分唐與吐蕃之境雖未久即仆然亦可見日月山之為漢蕃交界其來
久矣自山以東為耕稼社會村樹絡繹不絕於道自山以西則為游牧社會荒草極目時
見牛羊天地之氣劃然為之一變西南行十餘里下山至黑城子土垣一周無民居阿什
漢水城在其東南城稍大亦無居民有水出日月山西麓三源並發合流西注於青海土
人謂之倒淌河蓋內地之民東流見慣甫過山卡乍觀西流遂目為倒淌河耳循倒淌河
北西行約三十里至察罕城南十里許倒淌河濱插帳而宿是日行五十餘里宿處水草
豐美牛糞亦多 察罕城在北山根即日月山分支所謂察罕托洛梅者也察罕東北

海 紀 行

距丹城一百二十里東距哈拉庫圖爾七十里東南距阿什漢水城二十里前清雍正元年洛卜藏丹津誘諸部盟於察罕托洛海卽此陝甘總督那彥成築城設防以控制野番咸豐六年撤防城遂廢今止有土垣一匝內有公廨數椽無民居每歲青海長官祭海時會盟蒙旂王公於此倒淌河一帶本蒙古綽羅斯南右翼頭旗原牧現爲貴德南番千卜衆族所據其說見後 自察罕城西行十餘里爲將軍台稍西爲會亭皆土垣一匝無居民又三十餘里可至青海濱是爲赴海北之路是行迫於程期未得前往游覽亦憾事也張石洲蒙古游牧記於青海歷史頗詳今節錄如下 青海在西寧西五百里古名西海亦曰鮮水海亦曰仙海古音讀西如鮮如仙故先零亦謂之西零也漢書地理志金城郡臨羌縣西北至塞外有仙海鹽池趙充國傳酒泉太守辛武賢奏言可分兵出張掖酒泉合擊拜罕在鮮水上者又上以書敕讓充國曰鮮水北去酒泉八百里又充國上屯田奏曰修隍陜以西道橋七十餘所可至鮮水又王莽傳中郎將平憲等奏言羌豪良願等願爲內臣獻鮮水海允谷鹽池平地美草皆予漢民北魏始名曰青海亦謂之卑禾羌海（按辛卯侍行記卑禾羌海卽今青海東北之巴哈泊是也）水經注湟水東逕西海鹽

池北又東南逕龍夷城又東逕卑禾羌海北有鹽池闕駟曰臨羌縣西有鮮禾羌海世謂之青海東去西平二百五十里是也海周回七百五十餘里中有二山一曰魁孫陀羅海峯巒純白上有小廟廟內番僧於冰合時出取一年之糧入居焉一曰察罕哈達近西岸其峯卑小多土石二山東西對峙水色青綠中流高起冬夏不枯不溢魏書吐谷渾傳青海周圍千餘里海內有小山舊唐書吐谷渾傳青海周圍八百餘里明一統志青海方數百里有魚無鱗皆負黑點西游菱_{疑三字}七十二道水匯爲西海冬夏不溢不乾自日月山望之如黑雲冉冉而來以今證古載記略同也惟海中古出名馬今則未聞魏書吐谷渾傳海內小山每冬冰合時以良牝馬置此山至來春收之馬皆有孕所生得駒號爲龍種必多駿異吐谷渾嘗得波斯草馬放入海因生驄駒能日行千里世傳青海驄者是也隋書煬帝紀大業五年置馬牧於青海渚中以求龍種無效而止然則天馬來西信屬太乙奇况矣青海番名庫庫諾爾舊圖作呼呼腦兒元史憲宗紀四年甲寅會諸王於顛顛腦兒之西乃祭天於日月山顛顛今亦譯改爲庫庫蓋已確知其爲青海矣而并改金山以北之稱海爲青海斯大謬耳本朝雍正二年大軍征賊黨阿喇布坦温布等追至諾爾

北岸伊克哈爾吉河時人馬渴甚求水不得忽有泉從營前涌出成溪士馬就食得不困衆歡呼奮勇遂獲賊首督臣以青海效靈奏聞詔封青海之神立碑致祭湟源縣志海周七百餘里爲衆水會歸之所東西長而南北狹海岸四面皆有水泉厥草豐美宜畜牧號樂土近經地學家考究古時海水極廣西與柴達木低地舊湖通連北魏時周千餘里唐時尙八百餘里今祇五百五十里共占一萬八千五百方里又曰海中偏東一山特起名曰奎遜托羅海峯巒純白上有石洞番僧於冰合時攜一歲之糧入居焉稍西又出一峯曰察罕哈達遠望萬頃波濤中若翠蓋湧出所謂水晶盤裏擁青螺者猶未足彷彿其景也又按西寧府志云青海在縣西二百七十餘里夏秋遠望碧波拍岸勢欲傾瀉南岸一土股闊僅百步北伸入海數十里而沒名爲海帶又唐天寶七年哥舒翰築神威城於青海上吐蕃攻破之更築於海中龍駒島有白龍見更名曰應龍城旋陷於吐蕃今按濱海周圍故城址甚多哥舒翰先築之神威城究難確指所在至海中小島山勢孤峭地甚逼窄惟有石洞茅舍其上僅容羊四十頭供三四人終歲之食而已恐無築城置戍之地也倒淌河流域東西長約百里南北十餘里寬處或二三十里河流甚緩水味亦甘氣候平

和草亦豐美將來振興墾務此處最易下手蓋近河平地既可鑿渠引水沿山坡地亦可掘坎取水（山草甚茂斜坡在十五度以下土質泥沙相雜易含水分倘掘地成渠互相溝通水雖小可以漸匯爲巨流新疆南路纏回多用此法）且距內地最近招徠亦易也十月三十日即舊歷九月十二日早七點十分由倒淌河濱起程西南行約數里渡河循南山麓西行七八里折南入一土溝上山番名瓦爾袁山胡文忠圖作和岳爾托羅海法圖作倭育爾托羅海皆一音之轉也余等登峯以望青海此處西北距海尙五六十里遠鏡窺之一片藍色海心山若覆碗然因名其山曰望海峯北望倒淌河北察罕城將軍台甚顯台東坡下有番族黑帳瓦爾袁山高出海面米達三六八〇下山循一石溝番名色娘阿曲折西南行溝中無水有大青破石行頗艱溝長約十五六里出溝得一大原一望平衍細草芊綿絕好牧場也溝口之東南有一泊即巴彥淖爾也東西長約六里南北闊二里餘（蒙古游牧記謂巴彥淖爾周四十餘里已非其實又謂水西北流出屈曲數十里入和爾必拉尤謬余按和爾必拉當指和岳爾托羅海山番人謂山曰拉托所謂西北屈曲流出之水當指色娘阿溝蓋溝中有水時則東南注於淖爾石洲所據之圖原不錯

特不識山水公例誤倒其首尾耳青海淖泊甚多除扎陵鄂陵二海外餘皆低窪之壤因山溪水匯瀦而成有入路而無出路舊日圖志多誤認淖泊爲湧出之水旁溢四達甚至有繪爲互相灌注之勢者譬有兩水其原甚近而東西背馳各赴一泊其間必有分水之高地繪圖者未曾親歷妄綴爲一於是東西兩泊遂若互通謬種流傳誤人不淺今附辯於此後不多贅）水甘可食番人環淖紮帳皆千卜象族也此地本蒙古輝特南旗原牧後爲番族所據說見下（淖爾東南有山口路通貴德）西南平行三十里原竟下一陡坡至冬巴莊其居民約數十戶多自巴彥戎遷來者稍有田疇室廬千卜象卜恰郭密三族於此分界此莊屬卡卜恰莊南屬郭密莊東屬千卜象（按千卜象有千戶一員現千戶名遜諾郝喜屬民八百餘戶其牧地東至日月山北至察罕托洛海西北至海濱南跨瓦爾袞山占有巴彥淖爾及淖爾西南之大原南廂盡處與郭密爲界西原盡處與卡卜恰爲界千卜象帳居游牧卡卜恰郭密皆耕牧相雜）西行偏南連過多數小山麓如手指之疏布者其間有數小溪皆南與流卡卜恰河會自冬巴迤西南凡經世阿加惹貢馬猗階勒梭兒加沙爾加等番莊五（皆卡卜恰屬）而至卡卜恰其首莊曰加拉宿是

日共行八十里加拉莊卽卡卜恰頭人所住也此外尚有梭忌郝鷄洞托海哈寺兒二十台郭密香喀等番莊皆歸卡卜恰頭人所管卡卜恰乃地名本蒙古喀爾喀南右翼旗原牧番名爾客貝勒現居番族則自稱龍娃言從貴德龍陽硤遷來之人也約共五百餘戶無千戶其頭人由各莊輪流公推強有力者爲之卡卜恰有水出北山（卽瓦爾袞山脈在青海南岸者）南流經卡卜恰莊又南至郭密香喀右受二小水折東南流冬巴世阿加惹貢馬諸溪水自東北來注之又東南至郭密入黃河（此水法圖名查布扎河余按卽游牧記所謂烏蘭布拉克河也記云河源在青海東南百里有泉百餘泓望之亦如星宿海會爲一水南流三十餘里有二水自北合而來會又東南七十里入黃河今按之親歷形勢皆合各圖皆以倒淌河當之誤也）烏蘭布拉克河之兩岸舊河崖各高三十餘丈東西相距六七里其中拓爲平地南北屈曲斜長自卡卜恰以至郭密三十里中田疇錯列渠水交流氣候溫煖菜蔬亦有數種稱爲塞外沃土其種田之民漢人居半乃近年青海墾牧局所招徠者然皆貧弱無資本官廳又不能保護（卡卜恰現歸湟源縣管理）皆役屬於番目是以發達頗形遲滯河崖以上則皆高原風勁水少農事未興只宜畜牧

耳郭密在卡卜恰東南三十里地瀕黃河爲西寧縣直接管理之貢馬番族現分龍奔簪木站二族各據一莊共三百餘戶西北以郭密香喀與卡卜恰分界（郭密香喀之民分屬焉）是日以人馬猥多就加拉莊東南野地紮帳而宿野草不敷秣馬乃購乾芻以足之燒糞亦從莊中購得卡卜恰高出海面米達三二九〇

十月三十一日卽舊歷九月十三日早六鐘自卡卜恰起程西行過二溝皆無水連上高原數層北近山南望無際原上無水多芨芨草不甚豐約三十里至馬鬣灘（番語阿渾馬淪）有切雜雜族番帳屬千卜彙千戶有百戶一名灘北山根有莊曰二十台屬卡卜恰莊東有千卜彙寺北山有谷循谷行約一日程可至海濱又西行稍偏南崗陵起伏草漸豐沙中草叢纍纍然草多刺不適牧馬過黃沙壠下坡有一水自北而南注西泥河初擬宿此因水凍涸遂仍西南行遠望南山根有水乃前至水濱卽西泥河也下流瀦爲西泥淖爾得一番民插帳舊址地名窩遜乾糞甚多宿焉時十二點五十分共行六十里是處東距西泥淖爾約十里西泥河於是處分流復合成一環形其間草頗豐縱馬牧焉是處本和碩特南右翼末旗原牧現爲貴德南番都受族所據

事

海

紀

行

十一月一日即舊歷九月十四日早六點四十五分自窩遷起程先渡西泥淖爾河支流行灘中水草沮如小泊甚多西南行數里過西泥淖爾河正流水及馬腹約寬四丈渡後行二里許上黃沙崗陂陀起伏榛莽塞路沙細軟難行曲折約二十里崗竟至一草灘（番語行唵阿哈譯言乾草灘）灘南北均有高崗相距近十里崗上均係平原又數里至貢朶淖爾東沿淖爾南岸行地多沮如有鹼質淖爾東西斜長約六里南北寬二里許水色極青味微鹹可食水面有小鴨甚多飛泳其間至淖西濱宿淖爾左右仍都受番族游牧乾糞甚多草僅岌岌一種質韌不適牧而附近又無豐草（番子已經牧過故也）乃驅馬就草數里外黃昏始歸是處雖在水濱而取水甚難因瀕淖泥寬數丈人馬不能前進覓得番族所掘之泉始得水是日共行四十五里

十一月二日即舊歷九月十五日早七鐘自貢朶淖爾起程西行過沙草灘里許路北有數小泊或斷或續又數里過小山麓地勢起伏草漸豐約十里至一草灣牧馬約二時許遇番族驅牛羊十數羣絡繹而來每羣牛羊約數百頭中有番騎三十餘均負槍（有毛瑟來福土槍數種）上有機子怒馬飛至狀頗凶悍令通事詢悉係汪什台克族所驅牛

近萬頭多馱羊毛間有馱酥油者因購羊五隻每隻價銀二兩就地宰割馱載而行過此則平原彌望草亦豐乃切吉灘也約行三十餘里原竟至一山口切吉河所出也地名切吉河口宿時午後二點是日共行五十里是處水草均有唯糞稍艱 切吉河導源南山出口後北流注於西泥河夏日有都受阿粗呼等番來牧於此冬則徙去 聞距切吉河口北約十里有番莊皆木屋龍哇人也過日月山後至此未見一木木屋之說未知確否惜未能目驗之也是日在途大風甚烈因原高無蔽故也至山口風稍息

十一月三日即舊歷九月十六日早七點半自切吉河口起程南行二里許進山口兩崖巨石夾峙緣左山麓行數里下坡過水山勢漸開中抱一灘縱橫各十餘里灘中草不甚豐路左水濱有大石磊一係班禪喇嘛過此時紮帳處也由灘中西南行十餘里抵右山麓由此東行約三十餘里可至河卡由河卡東北行三十里出一山口曰小塔拉又經一大原曰大塔拉凡一百六十里至郭密此路無水由郭密東北行三十餘里至巴慶爾 上下山麓南行數里山勢漸合入溝行十餘里宿地名切吉河腦當即法圖所謂和屯布拉克者是也是處水草糞均有到時午後一點是日共行四十里

十一月四日即舊歷九月十七日早六點十分自切吉河腦起程南行數里過山上下山

寧

海

紀

行

皆青沙石是山乃西泥河與大河壩之分水嶺也下山緣右山麓行過數小溪

大河水壩水 小匯合流東南入

山麓折西行數里渡大河壩水深不及二尺而冰石槎枿馬易顛蹶過者惴息河水兩岸皆危崖壁立高三十餘丈渡口左右石坡甚陡上坡西南行高原中十餘里入一溝溝竟過山山名道拉結路多大石循一溝下山數里過恆譚河當即胡圖袞額爾奇河也河東流北會大河壩水而深廣倍之下流即胡圖之呼呼烏蘇河也河之上流有歇加族番帳東南上一小山下山里許得一大灘宿焉灘四面山勢環抱中平如砥名班禪玉池（班禪喇嘛過此紮帳處也）當即法圖所謂沙拉免者是也平番奏議又名助勒蓋扎梭拉山水出西南山東北流至灘東入恆譚河到時午後一點十分是日共行七十里是處草糞均有汲水雜梭拉河距離雖近而河岸甚陡上下頗不易

十一月五日即舊歷九月十八日信宿班禪玉池以息馬力 按呼呼烏蘇河流域土質

膏腴水草豐美迤東濱黃河一帶至於郭密地勢較低森林礦產所在多有氣候溫暖開墾尤易唯毗連野番時有搶掠移民則無以自衛駐兵則轉餉艱難前清道光之初陝甘

寧

海

紀

行

總督那彥成擬乘勘定野番之威在助勒蓋一帶設防興屯卒以經費無着不果施行考

東漢時隴廩相曹鳳上言西番為寇居大小榆谷辛卯待行記謂大小榆谷在貴德西南

爾郭爾河等水即大小榆谷實與地方肥美有西海魚鹽之饒阻河為固故常雄大宜規

固二榆廣治屯田植穀富邊省委輸之役蓋當時西番以二榆為根據地又跨河西北有

且制其唐史言河西九曲水甘草良宜於耕牧按黃河自積石山西北折而北流左納胡

呼烏蘇河九曲者當指此言之故為蒙古六旗牧地見下現為剛咱等八族所據之

金城公主下嫁吐蕃遂以其地界之為公主湯沐邑吐蕃因就畜牧自是屢犯邊境高宗

時黑齒常之敗吐蕃贊普於大非川今柴達以河源當指隋河源郡在今青海東衝要置

烽戍七十餘所開屯田五千餘頃是河曲左右在漢唐之世已經開墾著有成效乃今日

猶榛莽未闢寶藏封棄者蓋吾國人素乏殖民之能力故旋作旋輟卒不能立富強遠大

之基也夫開闢荒土兵屯不如民屯民屯不如商屯是何也耕戰兼營勢必兩誤名美而

實不可行移民實邊則富者不願應募而應募者必貧窮無依之人牛種農器室廬資遣

之費皆須仰給於官公款有幾推廣實難經營伊始唯有獎勵巨商先從事於森林畜牧

礦產諸業俟有所獲則指撥荒地令其招佃承墾其始在以兵保商以商興屯其終在以屯積穀以穀養兵供餽不煩內地則兵可久駐兵可久駐則野番之侵盜自絕而投資興業者將絡繹而至地關民聚之效固可操券以俟已

十一月六日即舊歷九月十九日早六鐘自班禪玉池起程緣西山麓循札梭拉水法當即

所謂伊克戈爾什河也南行連過九溪溪水均出西山東注扎梭拉水內有一溫泉水頗盛於西山見野馬二羣羣各數十有

黃黑二種項下腹腿皆白色長頸休耳顧視軒昂見人則佇立觀望近之始逸去行三十

里有水自東南來當即游牧記所謂依馬圖河法圖作依麻兔入於扎梭拉水汪什台克香族游牧是水上游現其千戶名衆架其番帳距此

約三日程西南入扎梭拉溝十里宿到時十點五十分是日共行四十里是處草糞均少鑿冰

取水

十一月七日即舊歷九月二十日早六鐘自扎梭拉溝起程西行偏南三十里過扎梭拉

山即朔羅山路多青紅石高出海面一千四百五十丈下坡緣左山麓行積雪甚厚深處及馬腹寒甚

坡竟得一大灘雪漸稀薄無草西山一支麓迤出灘中東西橫亘長約十里南北二水南水

即羊腸澗水北水其名未審夾流至麓竟處相會又東入於黃河即法圖之巴克戈爾什河也過水凍

上下山麓數里至羊腸溝水濱源發沿水西行入羊腸溝十里宿到時十二點半是日共行六十里宿處草糞均少人食消雪鑿冰飲馬 以上二站取水既艱糞草又少旅行極苦是以不敢多行遇便即止 凡行番地見水草豐美處即宜止宿否則佳處錯過趕站不及人馬均困旅行者所宜知也 每日止時先縱馬食草弛裝於野席地聊憩已乃各棚四出採拾牛糞俟輜重至則就地插帳安鍋造飯 邊地苦寒飲食以熟爛為貴最忌生冷插帳宜近水濱否則汲取不易人馬均困 自卡卜恰至此並無人烟終日亦不見行人欲問地名亦苦無從真所謂窮荒絕塞也 此地旅行以八九月為最宜蓋冬則大雪封山水凍草枯春則寒風凜烈凍猶未解入夏以後青草雖生而泥濘縱橫沮洳銀行唯深秋則邊草尚黃路途較乾其冷亦不過比內地大寒之季常行是地者有韻語曰正二三雪封山四五六雨淋頭七八九正好走十

又此行同事中有以清泉細草乾牛糞七字令余同出塞旅行早晚所必需者也

十一月八日即舊歷九月二十一日早六點自羊腸

事

海

紀

行

餘里至山梁

即江拉山高出海面四八三〇

見野牛百數十頭截

大灘細水皆東南流凍涸疑即希拉哈布河之七

宿時午後二點是日共行六十里此地溫泉數眼

在沙雪山之北

本日沿途雪厚無好草宿地草亦不佳唯

灘廣十餘里遙見野馬數匹載坤與同行數人往獵以野

彈終未倒而遠颺甚矣野馬之健也 是晚後行者在途擊野牛連斃二頭其大者以路

遠難致棄之僅宰其小者以皮及四腿馱來每腿重約三十斤各棚分食其味頗美 數

日沿途野牛骨角甚多蓋來往番民所獵獲者 以上數日早晚天氣較寒白晝和平均

晴

十一月九日即舊歷九月二十二日早六點自欽科奢馬起程過小山麓經一大灘無草

無水為雪所蓋長寬各十餘里西南至一壑草始豐牧馬少時過壑至一大灘此地番名

色馬朶娘阿譯言沙灘蓋以此灘中有沙土也灘中有河床無水草不甚豐其水道似皆

東北流注於都勒泊由此南行復過小山梁即阿拉克抄爾山脈也高出海面四六三〇

